

四書按稿

先進

先進章

按此是夫子矯時論而酌禮樂之中。通章重中。不重質。夫

于從先進。從其文質得中耳。正指周初禮樂言。禮樂不可斯須去身。只就日用平常處說。故用字用以游身。亦用以游世。當向切實處言。非見用于世之謂。

先進節

按先後二句。原屬夫子指陳野人君子四字。乃是時人評

斷。夫子述之。便寓感慨微意。

如用節

按天下有雕世道之君子。即不君子也。可故後進。歸然不

可從。天。不。有。存。風。氣。之。野。人。即。為。野。人。也。可。故。先。進。歸。然。不。可。從。

則字下得斬截。頓發得先進之禮樂。實。有。切。于。身。心。家。國。意。方。

妙如字。張太岳作若字者。

從我章。徐玄扈唐虞之際有君臣。成周之家有父子。夫子陳蔡之
阮有師弟。皆千古奇會。

從我節。困勉錄合陳蔡而因。及從我之人。念從我而有不及門之

歎。總是不忘其相從于患難也。喙引謂重在上。切極是。

德行節。按聖人之思。重在情。弟子之記。重在道。玩其口氣。若云夫

既相從于患難。即不必有德行。有言語政事文學。而可念也。而況

乎其皆有之也。此本因困勉錄。彼于此一條下。尚有裁成諸賢兩意。

緣係旁解。故刪之。

四也章。呂晚村無所不說。即是非取我處。今人每分作兩截講。便
似上句貼憾。下句貼喜。神理索然矣。按本文二句俱是若有憾。

之詞而深喜意在言外故註中默識心通二句意當補在無不說下又助有二其一聞吾言而有弟順也則疑義生而辯難從茲起笑其一聞吾言而有所乍見也則驚喜生而證問從茲起矣是皆助我者也而回則非然

孝哉章 呂晚村之言二字連其父母昆弟五字蓋先有父母昆弟之言而人皆信之也故當提言字說起轉出人不間來方是一氣事下至其所以能得人之不間者只是孝有其寔父母昆弟之言不朝夕浸潤洋溢以至鄉邦翕然無異詞耳非謂父母昆弟之言不足信以他人之評讚為定論也 按于言孝而註則兼言友蓋孝者必友也此友字從白文昆弟二字生來集註積於中而著於外蓋推原所以人不間之故蒙引云積於中就閱于身上說著于外兼父母昆弟外人說不可以中為家以外為外人此節當依集註

解。

南容章 按此章只重謹言。擇配意帶說不重。三復只是常。体玩。

念：思維分明。借篇什為治心之箴。

季康章 按此處好學。彈說不當添入不遠怒二句。顏淵死而聖學。

絕。通節都是嗟嘆口氣。

請車章 朱子孔子若有助。必與顏淵為禔。所謂喪具。祇家有無者。

但不可以非義他求耳。

陸稼書有棺無禔。見可以無禔。吾不徒。

行以下見命。車不可禔。

又通節夫子只是自言其所以處。理者。

即可明夫子所以處。回者即可明顏路所以當。處回者後二意皆。

在言外見。

天喪章 按通章只重夫子二字。有慟乎二句。見為道而慟。回道即。

予道。故喪回即喪予。

厚葵章 按門人是顏子。門人厚葵不止是有槩。看來門人亦未必

有財而委曲以為之也。此夫子責之。不然顏路雖貧而門人之有財者以師弟之誼而厚葵之亦何不可。

季路章 按此章見窮理之學貴乎反本循序漸進。着一毫性急不

得未能為能。未知焉知。以反語當正語。氣怪而不發。註誠敬及

原始反終。是朱子推出。夫子口中却不露。朱子人且從分明處

去理會。如事君親盡誠敬之心。即移此心以事鬼神。則祭如在。祭

神如神。在人受天所賦許多道理。自然完具無欠缺。須盡得這道

理。到死時乃知生理已盡。亦安于死而無愧矣。呂晚村夫子此

兩唇極平實。固云人鬼一理。生死一原。然其吃緊為人正要人於

事人知生處着力。

閔子章 譚梁生三子或和中有諍。或直中有和。而子路則純任剛

健。四。子。皆。剛。毅。任。道。之。器。按。上。節。是。記。者。描。寫。英。才。氣。象。兼。容。貌。詞。氣。而。言。末。句。是。指。過。剛。之。弊。無。非。欲。其。變。化。氣。質。以。歸。于。中。和。也。

魯人章 沈無曲凡敝政之興有其幾而未有其形者君子言之太早攻之太急不足以止之而反激之使行閔子不斥改長府之非而但言曰貫之不必改夫子亦不必深言閔子之意而但云夫人之有言必中老成謀國憂深慮遠固如此

魯人節 按時政不在國而在家曰魯人賤之也如之何不是商量未定之詞犹云有何不可也言必有中還指平日魯事在言外見二句只說閔子而長府不當改作之意在其中想見聖人婉諷語氣

由之章 困勉錄于路稟負兼人地位儘高但病在任氣質用事故

夫子摘鼓瑟一節做之。今變化氣質以入道之室。原不重鼓瑟也。下節固是為門人致辭。亦是許子路有可以入室之基。使不懈于進耳。終始無非造就之意。

由之節。舒礪石。夫子別其瑟為由之瑟。峻其門為丘之門。只以由字丘字相照。不必增入北鄙中和等語。奚為二字。乃詰其聲。而自來使由知所自悟。原自儆省語。非鄙薄語。

門人節。按子路德性有餘。學問不足。致廣大而未能盡精微。極高明而未明能道中庸者也。但此為門人言。當重在升堂上。若重在入室。反似貶抑子路了。

子貢章。按道貴得中。是此章骨子。首節提破中字。過不及万有着落。麟士以不說破為下田地。晚村滄柱非之。甚是。蓋愈師一轉。子貢未嘗不知中字。但謂過中。不及中者。較似過中者。差勝。故愈

字與賢字不同。夫子說過猶不及。是只以道為節。言過者之不能加於不及也。倒說不得。

子貢節。按過不及就學言。姿稟是迨上一層說。若作文須以姿稟作出。此二句只應而開。說不可較量。愈師一問。明道是過中者。猶愈于不及中者也。有蒙引存疑便知。

過猶節。按此句只就道理上論。不粘定二字。過者如疾足的人。刀可兼程。然其所見尚偏。未免窮大失端。而不得其歸。務速而不致其精。則已離于道之中。彼不及者所循。然若前若却而不能遽者。原非過者。而已徑閱歷之途。乃過者所將來退處之地也。故其失均也。

季氏章。孫淮海有聚斂。非如後世其斂之臣。只緣他學術未純。總仕李氏。便以政事之才施之。即為處置調度。以為職分當如此。

不知季非可附益之人。不但富於周公不可附益。雖不富亦不可附益也。故夫子責之。

季氏節二 樹丹有之罪。從不知大義。呆老實做官得來。夫子欲小子攻求實以為攻季氏也。

柴也章 困勉錄句：要見當學意。能學以變化氣質。則拘攣能通。遲拙得敏。誇誕反真。粗俗成雅。何氣質之足累哉。

柴也節四 按愚是知不足。不知通變之意。魯是見性遲鈍。渾厚質朴的人。辟以容言。設施闊綽。飾外面而真寔不足者。夸訓粗俗。粗是不細膩。俗是不文雅。大槩兼容總言語訛四字。好處病處都有。三子終於病。而曾子竟以魯得道之傳。可見人不能無氣質之偏。顧其變化何如耳。

四也章 按此章只宜兩三開說。而言外自見諷勵之意。為妙上節。

註云言其近道又能安貧則如困勉錄以造詣操守分者固的確
不可易矣。惟看下節尚有可商。愚意謂不受命而貨殖是一事。事
與下屢空反。是言其所短億中見質也。聰明亦可進道與庶乎对
不與庶乎反。是言其所長。
四也。節二續困勉錄賜一進至于四。一進至于化。此章不是專為
賜而發。

善人章 按上句是善人所以為善人。下句是善人所以止於善人。
首句道字虛說不踐迹不必模倣古人而所行自與之暗合。此正
其天資之善處。但其善者不過出於一時之偶合。如欲涵養從容
造乎精微之域則猶有待于學。故曰亦不入室。

論篤章 按此節上下截發。兩者乎語氣易緩。惟從論字。提提清。君子色莊。以下。總自與其焉者。香以君子作主。側出色莊。畫押入與字。中神理方洽。表凡凡人知浮言不可信。不知論篤亦不可盡信。此夫子切驚之詞。

問聞章 按夫子此節是為由求各展進步。進者進其退。者退其兼人。皆治病之良劑也。又聖教只一力行。過退固不及行。過銳亦容有行非所行者。夫子以微權抑揚之。其要歸於使之行其所聞耳。

子畏章 困勉錄子在四何敢死。依朱子蒙引解。是不輕死之意。何等切寔。不當如借解云。四預知夫子必不死。

季子章 按此章見聖人阻僭竊扶經常之心。上四節。子然欲借由求以誇人。夫子極言其失大臣之道。末二句。節子然欲資由求以

助夫子又言其有人臣之節首兩問答都着在季氏身上特把由求作話柄耳。

季子節

張彥陵時解錯會異字。便以帝臣王佐入解。不異此異字。

照下道字者。正謂其坦然自立于朝。不黨同。混偽是也。按道字儘受鋪張。然必於不從君欲處講出。學問本領方是大臣身分。其學問本領。提不出。正心存意功夫。胡凝初先持個不可則止之節。斯行得個以道事君之忠。

今由節

按具臣不必無才畧。有才畧而仍謂之具臣。切由求講方

是。又二子既不從弑逆之事。緣何又事弑逆之家。只為其昧了不可則止之義。故於弑逆未著處。不能決。所以為具臣。然又須知非必到弑逆時然後決也。

子路章

呂晚村理屈詞窮而禦人口給。其病又比有道理不明深。

一層。故夫子特斥其佞。而不辨其說之非。二罪並發。從重。却非機輕。例以曲出之也。

子路節。按子路以費邑難治。子羔厚重有德。足以化民。故舉之。殊不知未學之人。其於政事之政設施。必至廢古。任意而名。實俱喪。註未學二字。未可明說。下節子路亦會意說出。

民人節。按有民人。則經畫區處。無非窮理盡性之功。有社稷。則昭事威格。無非誠意正心之慶。只謂人情物理上。可做工夫。咄嗟章句止成迂語。但子路舉羔本意。原非欲其節仕為學。今譯其本意。臨時撰出話來。正是佞人口快處。是故二字。承子路來。愚佞是。此指平日言。

侍坐章。按聖賢心性功名。同出一原。通章固重在酬知上。但觀哂由與點。則禮讓二字。尤屬通章點睛處。困勉錄大抵聖人之道。

充塞天地至大至寬自聖人而下或見其一節而不能見其全體則擴而充之使極其大或見其全體而不能不踈于一節則反而求之使極其實

侍坐節三 蒙引毋吾以也是教他忘分盡言尚未說入志字 呂晚

村聖人引三字言志以觀其設施底裏不我知也句是揣發其情不是譏其躁妄下二句是激令其傾吐不是笑其無具

率爾節 註子路言志直視天下無難事是何等才氣夫子窺見他

有凌駕一時之意故以一哂折之千乘句提起揖是鈴制意見勢之難師旅二句見時之難逐句遞下見得一節難如一節而之包

善政善教在內有勇本善教來知方本善教來而政字內又兼兵

政養政

求爾節 按求也為之內亦要暗藏足字根子如開源節流意通章

節。只。重。可。使。足。民。印。礼。樂。帶。言。既。富。而。教。就。化。民。上。說。仇。澹。桂。
足。民。必。言。礼。樂。亦。是。王。道。教。養。規。模。與。後。世。務。耕。戰。盡。地。力。者。不。
同。

赤爾節 體註非能願學口中是讓意中是任下正是願學禮樂處

存疑宗廟之事指諸侯祀其先君天子宗廟則大宗伯詔相王
之大礼未有諸侯相君行禮者會同是諸侯会同于天子故註云
諸侯時見曰會衆類曰同馬氏謂當時朝王礼廢此指兩君相見
言未是諸侯朝王常礼也聖賢道其常或疑諸侯朝會不得用相
贊禮然周禮朝覲會同則大宗伯為上相諸侯則有介如上公九
介之類明有相贊禮蒙引考諸侯有四時之朝春見曰朝夏見
曰宗秋見曰覲冬見曰遇四時之外入有時見曰會殷見曰同會
者諸侯有事而會不以當期同者十二年王如不巡狩諸侯既不

得就見。則六服一時盡朝。王合諸侯以命政。註衆即殷也。辨即見也。端衣名其衣正幅染玄色。故曰玄端。輔氏章甫。緇布冠也。夏曰毋追。商曰章甫。周曰委貌。其制皆以漆布為之。按小相據蒙引。相無大小之名。只與從大夫之後。一般。邢疏謂相為主君擯者及賓之介也。謂之相者。於外傳詞耳。入門當以礼詔侑也。卿為上擯。大夫為承擯。士為紹擯。卿為上介。大夫為次介。士為末介。此云願為小相者。謙不敢為上擯。上介之卿。願為承擯。紹擯次介。末介之大夫。士耳。

點爾節。按譚說。子問亦時點猶撫瑟而未鼓也。藉一堂之上。三子言志。點鼓瑟以間之。則非礼。因知曾點鼓瑟。蓋至赤言畢而始鼓也。何如之問。至點瑟終而子始問也。又記者取舍瑟一段。然有深意。夫子與點即在此不專為暮春教語。此教語須認通作如何。

聖人之體道如何曾點之見道如何續困勉錄莊列之後看得
兵農禮樂等於春風沂水曾點有得春風沂水等於兵農禮樂直
是民胸物與氣象莫春教語一部西銘在內比三子有大小之別
不止是有待無待之分

三子節 樹點胸中先自有一哂為邦之意蓋彼是高談性命謂為
邦之事自可一以貫之不必沾沾講求區區自負故疑夫子之哂
由者在此且并疑亦亦在可哂之列夫三子者之言何如掬書先
生謂有下視三子遺畧事為之意極是末句重志字見三子各吐
一番經綸俱非空言分明是煮與了

夫子節 翼註為國以禮此禮讓在設施上見其言不讓此不讓在

言論上見省一言序字便見是小疵了。陸稼書為國以禮句評者曰。猶云用世者當以禮耳。即在本身之氣度上言。若實拈着為國講。便從治國生情。此最說得好。宋墨云。禮者。君子所以治心。即君子所以經邦。淳而易竭者。才亢而難馴者。氣。禮則自有心和而形和者。無論安危文武。俱不可少。此涵養人知則才大出之小心人不知則厚蓄戒其輕發。此說得明。又觀點前後四問。便見他行不掩言處。若兀得春風沂水氣象。此處當不復更疑。此亦是記者極仔細處。

唯求節

按此二節則即求赤之為邦而見由之可哂不在為邦即

由求赤之皆可為邦而見其志之未可盡非前後提是一意。吳

因之宗廟會同二句就着為邦意講。言赤志於宗廟志於會同則其所仕者非諸侯之事而何。彼不曰願為邦而曰願為小相特謙

詞耳。便亦也。為之。小孰能為之大。上二句正說他為那下二句又破解。小相以應之。

顏淵章。按克復。是指幾微一問處。索性与他淨盡。到顏于地位方

可用着。此語只第一句已了。下雖有放與幾兩字。然一日克復。天下歸仁。語意仍是即上句來。蓋見克已復禮之為仁耳。末句便就為仁兩字反覆咏嘆。以決之。即至第二節亦只是指點隨處。是此句。不是另生枝節。

顏淵節。續困勉錄。朱子云。克已者是精底工夫。到節文欠缺。便是

粗者未盡。然克已只去私意。未能細密入他規矩。則復禮乃是粗處。愚按此說最精。動容周旋中。禮盛德之至。到得粗處。皆盡方是工夫。到至精處。呂晚村克已是復。然克已須復。禮非即仁。然禮復即仁。二義要並看。得透。附時文張作粹然者性無邪正之可

名。雖。然。者。情。有。公。私。之。必。辨。仁。感。物。而。漸。離。者。已。為。之。蔽。也。已。則。易。繼。安。肆。日。偷。已。則。易。私。作。偽。日。拙。故。必。奮。吾。嚴。厲。之。氣。戰。而。勝。之。而。幾。微。務。絕。其。緣。仁。体。物。而。成。在。者。禮。為。事。之。用。也。禮。主。於。敬。嚴。以。制。心。禮。行。乎。義。精。以。研。事。故。必。用。吾。擴。充。之。力。養。以。得。之。而。天。理。勿。還。其。則。以。云。已。自。定。其。從。違。人。何。得。分。其。功。罪。已。自。有。其。智。勇。人。自。得。依。其。進。退。說。理。可。謂。明。朗。

請問節

按。勿。視。四。句。須。各。兼。大。小。合。內。外。以。立。說。方。於。聖。門。敬。義。

養。察。之。學。說。得。周。密。完。全。至。四。勿。字。固。是。緊。要。然。在。克。字。內。已。包。得。不。應。至。下。節。始。提。此。為。主。腦。此。承。上。目。字。言。當。重。在。視。聽。言。動。上。請。事。斯。語。蓋。言。擇。之。精。而。不。昧。于。所。從。守。之。固。而。必。要。其。所。立。便。是。他。下。手。處。附。鄒。文。自。物。感。于。心。而。所。謂。視。聽。言。動。者。緣。心。而。起。是。心。之。所。不。能。無。也。自。心。涉。于。感。而。所。謂。非。禮。者。又。緣。視。聽。

言動而起。是心之所不可有也。又云。天下之物。日與吾心交。而常以其心宰之。故物至而心不累。吾之心。日與天下之物交。而常以其理御之。故物化而理自勝。融。按。請問其目。是問切己條目。非泛問也。

仲弓章。按。仁之理。具于心。任吾心。而繼之。則吾心已流。匿吾心。而私之。則吾心已滯。惟敬。則有以逆持之。於中。惟恕。則有以順施之。于外。斯則去私以存心。存而可以復仁之體。邦家二句。与天下歸仁。境界不同。是在敬。恕上。用力充積。說到此方見敬恕之量足耳。呂晚村。顏子本原不動。但微有感激。未淨。只須決去。便無事。仲弓病痛似輕。而本原不足。虛邪深錮。故必當峻補。敬恕是仲弓峻補方也。

司馬章。按。牛多言而躁。則心不存。子以訥言告之。亦是對病良方。

上節就現成者說已包得全体末節只是推出所以言認之故耳
晚村云心常存是朱子于兩句中心體會得之唱破直抒未為不是
然于夫子點綴不盡今躁人尋思得之失之遠矣

司馬節二 呂晚村全在第一句說得好曰仁者其言則不在言上究
竟可知曰其言也認則不是認言可知曰仁者其言也認則是仁
者自認非認言即仁可知但道理要包籠得盡語氣又要含蓄得
不盡按此註心存不放四字且勿徑露

其言節 按為指事言說難是其難其慎之意此三字頓住心常
存即在此三字裡註故字勿泥得毋二字說得極自然蓋人只一
心難于彼自不易于此心存不放四字原貫此二句

君子章 呂晚村不憂慎句說得國圖方生出司馬一問何憂慎句
說出工夫精嚴方是成德君子其用工正在乎素也按朱子于上

章為之難前。補出心常存。此章內省前。補出平日所為。皆從語意中探本窮原。越顯得聖言神味。無窮欲其深思而自悟之。

君子節

呂晚村

此憂懼二字。專指禍患言。雖其有可憂懼之事。而

自省平日無愧。則自無憂懼之心。須切向魑之亂言。方有着落。內省者省其平日所為也。不疚在平日。內省在臨時。按憂自內生。懼自外入。不必分當事未事。

人皆章

呂晚村

為憂懣人開釋。易落曠達家言。看子夏急下敬而

無失二句。方見死生二句。不易付之命數。此所謂知命立命也。

人皆節

按天

以一定之教言。命以不齊之遇言。敬在心。恭在容。重

在無失有禮上。無失是常。敬意故曰不間斷。有禮是不足恭意。

故曰有節文。

李表一大抵牛處兄弟之間。決有未盡道處。子夏

此言分明欲牛自盡以感其兄。原不欲牛把自己兄弟置了。認別。

人。兄。弟。也。意。謂。君。子。能。盡。恭。敬。雖。四。海。之。內。都。是。兄。弟。疎。者。尚。可。
親。况。親。者。予。何。患。無。兄。弟。當。從。自。己。兄。弟。者。不。當。從。四。海。者。
誦。皆。兄。弟。以。愛。敬。我。言。我。無。往。不。復。敬。誰。人。慢。我。一。無。往。不。恭。誰。
人。侮。我。

問。明。章。按。張。之。問。明。其。意。要。從。遠。處。求。明。夫。子。言。汝。欲。求。明。只。就。
人。情。物。理。上。明。得。便。是。明。即。此。明。之。盡。量。處。便。是。遠。何。必。遠。求。然。
其。所。以。不。行。處。全。在。平。日。居。敬。窮。理。不。在。諧。懇。上。料。理。又。諧。是。
不。干。己。的。事。惟。浸。潤。故。緩。不。易。覺。故。易。疑。懇。是。切。己。的。事。惟。膚。受。
則。急。不。暇。詳。故。易。信。不。行。則。人。自。勞。攘。我。自。從。容。所。謂。先。覺。者。是。
也。呂。晚。村。說。明。便。是。遠。即。混。說。明。更。有。遠。亦。離。須。知。夫。子。舉。此。
兩。端。最。是。極。切。近。而。易。蔽。者。于。此。能。察。便。不。第。為。明。而。為。明。之。遠。
正。指。點。于。張。反。求。于。近。耳。

問政章。按此章說得常變。說不得經權。兵可去。食可去。而信不可去。正是立萬世之經。如何可說權。又須知孔子此章之意。自重在信。而今說者之意。反重在兵食大謬。

問政節。困勉錄首節。曰。重信。蓋借兵食以衛信。非以兵食而輕信也。附楊文。惟王之政。顯於民之相足。而藏于民之相愛。惟王政之及民。其粗在兵農之間。而其精乃在於孝悌。燕恥之際。然則民不可以不議信也。起而視之。臣食足。兵而民信之矣。

必不節。按有明于貢兩問。是于未能全臨三者之時。商其緩急。去字。猶云且丟下那一項。先字。猶云該重那一項。非是原有三項。時裁去那一項之謂。如此看。則夫子之去兵去食。以所去明所先。正是施為次第。末二句。打穿後壁。更無展轉。我足去兵去食。歸重忠字。不單粘去食。說明乎此。則聖賢舉事。雖萬難措手處。必不以哀。

世苟且之法與之漫崇夫而後可以足兵亦可以去兵可以足食亦可以去食而政無不可為矣。又末二句獨揭信字以明其不可無非徒申明去食意也。民無信。規註寧死云。最要于使字上着加政行于常兵食与信俱存政行于變信不与兵食俱去故信為國之大寶。

子成章 李裹一章內君子二字重省君子者主張風教維持世道之人也。子成之去文存質是不特為質勝文之野而直為異端非禮非樂之說。子貢之敝在兩猶字蓋即云文質相稱亦必質多而文少此章質字須兼存質之質与質朴之質言。

子成節 揆意主救世故曰君子言過于激故云失不可追惟有此意而乃為此言所以可惜。又上二句只泛言文質之不可分席豹云句方破文之不可去是以体不是喻體。又文質以時言則

不特後王用文。即古帝亦未嘗全廢文。以人言。則不特君子宜文。即小人亦不得全廢文。以地言。則不特治外宜文。即治內亦不得廢文。以事言。則不特文事宜文。即武事亦不得廢文。此首二句意。是論其理如此。下二句是言廢文之弊。原不独君子小人無辨。註特舉以示例耳。

年饑章 按哀公忘却百姓。但為吾計。有若云。若為吾計。正當行徹。以為百姓計。孰與不足。正見君與民實有相關切處。即對副用不足實際。

年飢即存疑註云。公之意。蓋欲加賦以足用。夫年飢民之正賦。且不能辦。如何又欲加賦。乃是欲今歲加賦。使國有餘積。以備凶年。不致臨時缺乏。不是目下便欲加賦也。又蓋字宜玩。如云昔也。徹行而足。今也廢徹而不足。則權之足與不足之間。何不依舊去。

行徹法語意虛活要他想那行徹法的好處出來

曰二節兩按公言猶不足止見得君一邊竟忘却百姓了故有若

百姓說百姓之足不足跟徹之行不行來百姓足而君無不足一
來君民閒切財用自互相流注君即不足民自有以供之二來惟
正之供畢登自可以給國家經制之用三來家給人足民歌樂利
無戾氣以干和則風雨時而歲無不登下二句反看便見又註
補節用二字最精蓋行徹愛民必恤民財而節用民益不忍坐視
其不足也此意正要補說

崇德章 按崇德辯惑俱是治心工夫德本之性當還其所固有惑

生于情當究其所本無高從早處做起明從暗處撥開子張高明
故造以近裡切己之功

崇德章 撥人心之不變不化者是忠信義即此心之萬變萬化者

也。兩項對說。為是。蓋忠信與義。總是德主。與徒總是崇德工夫。崇非有所加增。只是不流于污下意。又易言忠信所以進德。而孔子答子張崇德之問。又及于從義者。是使學者於所存所行處。兩下都做工夫也。蓋忠信是個本基。從義又是進處。無本基。徒進不得。無有基本矣。不從義。亦無緣得進。又忠信是內之治心。義以事之。宜言。故從義工夫。專指外說。

發之節。按不必好惡之辭也。即其人本自當愛當惡。加一毫意思。便于心体有累。便是惑。上二句開說。不必專指一人。既啟二句。方專指一人言。徐自漢要四個歌字上見惑。只是個欲心所蔽耳。祛惑莫先祛欲。

齊景章。按翼註謂此是正名意。刁蒙吉謂此是核實意。看朱景公之君臣父子。不比衛轍特不能盡其道耳。應說刁說。

齊景節三

乃蒙吉春秋于臣子弑逆者必重其責於君父。君惟不君臣故不臣。父惟不父子故不子。端本窮源之道也。詩書於君父頑悖者必重責其臣子。君雖不君臣不可以不臣。父雖不父子不可以不子。負罪引慝之道也。四件平看。附張文跋君云威權振而分守明。黜令肅而群心揖。疏父云遺以安而不蹈以危。制于義而不索于欲。疏臣則云善則稱君過則歸己。疏子則云喜而不志勞而不怨。句對景公妙極。又何必問其所行之得失而大體已有可現。此是讀書人語。按景公之言不搖頭腦而欲大家分任其責。故終不能以君而制其臣以父而制其子。

片言章 李穀侯忠信是本明決是用子路片言折獄全在忠信上。人心各有良知道德齊禮而有恥且格。君能以礼讓為國則可以無訟矣。而況于折獄乎。片言折獄全是未言之先有以取信於人。

故如此其去無詔者不言之化亦只在升堂入室之間耳。程子所謂達却便這是氣象也。

片言節。黃勉齋人惟忠信也。不惟可以通天下之務而又可以釋天下之疑。苟無忠信誠懇之心以莊之則吾心膠擾昏惑既無以察人之情偽吾以詐御彼亦以詐應之又安能片言而服人哉。故云片言折獄而笑之以無宿諾也。呂晚村此是贊片言不是論折獄是贊片言之本于明斷不是論折獄之貴于片言總說片言便有下節在句裏折獄只極其用耳。

聽訟章。翼註聽訟兼明與斷說使字最重全是平日道德齊和潛孚默奪若成使之但此意亦未說明正欲為治者悟于言外。子張章。朱子若有頭無尾的人便是忠也不久所以孔子先將個無休盡截他。按此論為政之心只重無倦以忠不重居行又

論常理。以忠宜屬居。無佞宜屬行。而夫子轉似回互言之者。兩之字。本是動開。不得既言居之。則忠自不待言。所慮者佞耳。既曰行之。則不容于佞。可知所慮者不以忠耳。子張自個有銳氣的人。初時來些銳氣。做去做到下稱都無結束。故孔子告以無佞。下句說行之。是即行其所居耳。人固有平日居心如是。及行出政來。却又不如是者。非苟且未成。即粉飾為治。都是不能表如其裏。故朱子云。裏面如此。外面便也要如此也。註中始終如一重終字。表裏如一重裡字。

君子章。刀蒙吉誘道引也。在未成時言翼扶翼也。在將成時言獎。誇許也。在正成時言勸勉勵也。在既成時言既成而又恐其一善自阻也。故勉勵之四字四樣意思。皆所以玉人于成也。困勉錄。君子時借人以私便。似乎導欲而長邪。然其意歸于成美。如好貨。

好色無傷是也。小人時絕人以正理。似乎擁良而誘良。然其意歸於成德。惡如樓護議論常依名節表盡引義慷慨是也。

政者章。吳因之。此与大畏民志同。上下之道交相畏也。上有畏其下之心。所謂赫々具瞻是也。然然下有畏上之心。所謂有恥且格是也。孰敢二字可玩。存疑首句只解政字。且虛說。子即二句方是就自己身上說。

患盜章。莊忠肅上不欲而下不竊。非獨感化之說也。多欲則重。欲重。則民窮。民窮則不得已而為盜。不欲則藏富于民。富而礼義生焉。孰甘棄身于不義。故雖賞不竊。

如赦章。樹赦字深看起念方寸。盟心幽獨皆安於天理之粹然。則意念所到之處。即提醒開悟。民心處况欲善而躬行以率。故自有風草之應。風草是借言。不是喻言。

問士章 按此章即是為己為人之辨。但子夏則防其於謹嚴處有箇為人之意。子張則防其於廣大處有個為人之意。聞然而日章亦然。而日亡確是此章註脚。

問士節 按何哉句為一章精神。發出他病痛。然後下藥。達是我這裏達將去。聞是要他邪裏聞知我。是截然兩意。是聞非達。是說聞與達名義之不同。夫達二節是說其所以致聞致達者。須辨。

大達節 按有是質。非無粉飾。直是正直無邪曲。靈龜云。以天性自遂。不諧于俗。而心則有。自居直以无妄与人。縱無可歡。而情不至於獲戾。此質字在性上說。直字在事上說。極是有直固有觸突人的意思。至好義雖已合宜。然亦是當然。而非圓融委蛇之謂。故小註云。質直而好義。便有觸突人意也。觀察下人作兩件看。慮是時人以此為念也。此二句易說。向周旋處故上去。又要收押到為。

為己實際方是對付子張語以下節及照有現察是疑不自居意
下人與無忌彈相反

夫聞節 按上節說義此節如何又說仁蓋仁者善之長仁統利物
之義達者義不敢取聞者仁亦將以偽為色取仁而行違朱子
云不惟虛有愛憐之心如正顏色而不近信色厲而內荏皆是行
違金正希云精神有限既歸於外復顧其內此兩失之事矣此極
肖聞者心事此句總對上肩直好義居之不疑有不自知其非而
居之者亦有自知其非恐人有破而先示以不疑者二意兼說方
完此句總對上現察下人

從遊章 按遲于造情處不忘治性工夫故夫子既善之而又告之

末一節因其病而藥之正是樊遲最切己工夫三非字與字正要
他反己自思 人事得俱兼知行說

樊遲節三 按聖賢無在不收其放心。故無在不深其學問之思。舞雩

之遊。問及此三者。是進亦無非學也。故夫子告以切實工夫。汪大

全言崇德而告以先事後得者。一以見無所為而為。即是崇德處。

故朱子云。一有計復之心。便是人欲。脩德者方循天理做去。總襟

以人欲。中其便。缺了一兩分。只德便消削是也。一以見無所為而

為。則功專而德自崇。故朱子云。一心作事。一心計得。則作事之心

必不專。如何積累得高。是也。按首段必兼此二意。方完。惡與慮有

微顯之分。然微必至於顯。故遲以為惡。而夫子以為惡。無攻人之

惡。正以足攻其惡之力。二句當四環說。一朝言其忿不崇朝。暫時

之忿也。忘其身。正是不顧慮其身意。分明是見理不透。輕重倒置。

註中知字。正是辨處。註中懲忿字。與辨惑畧有先後。蓋必辨惑。其

能懲其忿也。

問仁章 呂晚村此章疑辨處都在知然其所重都在仁疑知疑其

厥仁也辨知辨其正為仁也知原從仁生而其用乃所以成仁

問仁節 按喝出兩人字便合下直枉兩種知由愛並舉便見不相

妨了樊遲未達是疑知妨于仁只在他氣象上見得夫子答以舉

直云是窺見他未達而告以知之可以成仁也然此處只宜渾

說故舉直二句作文最難措手總要得隱躍釋疑之意絕不露一

仁字而仁字在內方与下一問不礙

鄉也節 按汪大全云遲之問于子夏只是疑化枉之無與于知註

又未達三字對上未達說蓋謂前既疑二者相悖而有所未達此

則又未達化枉之何以為知耳不是謂遲此時有二疑既疑舉直

一句不應專為知者事又疑枉者何以能化為直也此最說得直

截明快富哉句註不止言知句最重人只說得所談者廣殊欠分

曉舜有天下節。不過咏嘆以足其意耳。上下應一事。說非上節。而為答知者一疑。下節答所以能使一疑也。此節仁字亦是暗合。以上遲未明言耳。須于言外見得方圓。

聞友章。撰忠是一改真懇忠愛。未有此言。先有此心。善道只是善用其忠。不可則止。非棄之也。机未投且俟之。尚可後圖。亦是善藏其忠處。故此節分之有三項。合之只一項。

君子章。按此節愚向來中無的解。今合諸說參之。知此二句可平。可串。只要說得取友之益意思透徹。君子以文會友。是言君子固欲講文以會友也。會友講學。彼此兼資。互相啓發。則未知者求其知。未真知者求其真知。則其益于聞見者大矣。而又不特為聞見之資也。即為仁工夫。全是自己實。做的然氣稟賴以薰陶。德業賴以詔告。過失賴以箴規。亦是友以輔之。則取友之益為何如哉。

乃蒙吉謂淫陽云自古無閑門閑戶之助聖賢聖賢無孤立無與之助學問可作此章注疏

子路

子路章 翼註首節言政本于身。下節言政要之久。先勞要根心說。

到身上。

張房陵無倦意已包在先勞內。因子路請益故又抽出。

言之要之。上下只是一意。曰先必無一息之可後。曰勞必無一息之可逸。無倦非並也。乃明所以為先勞也。

子路節

饒氏先是先其行。勞是勞其事。是又分政之本末而言行。

者政之本。孝悌忠信之類是也。事者政之本。農畝師役之類是也。

困勉錄先勞無時無處不然。先之於隱。先之於顯。勞于處常。勞

於處變。要如先勞不專為民而設。寔是自家該盡的道理。若云我

先而民不敢後。我勞而民不敢逸。尚落後一層。

請並節 按倭不特在既成之後也。當勇猛之時。精神須自有節。程

伯淳曰。這一點意氣。能得有幾。

仲弓章 按此章大意。見道之要者。無不公心之誠者。無不達。又須

知論政者。貴識大体。

仲弓節 按能先則衆人職詳。一人職要。力不勞而功可底。能赦則

寧脫桎梏。無察淵魚。斯刑措而無寃民。能舉則懸天下之爵祿。待天下之賢才。斯人之能不異己之能也。此總見為政者。不得以綜覈為能以法。今為即以一己為賢于人。末句兼已用未用兩意。

焉知節 按焉知一問。當下使以賢才為一體。此其中心之好可知。

第賢才之生無盡。己之知不若人所知之多也。而賢才之舉至公。舉之。心即人所不言而同然之心也。故不必以一人之知盡天下。而一人之知可繼以天下人之知。不必以天下之賢盡吾舉而

一人之舉可公之為天下人之舉夫子此言真是操約而用宏
又人其舍諸或指觀感說或指秉彜之好說看來秉彜之好是正
意觀感是賓意只應帶說

衛君章 按正名二字是通章主腦必也正名當指衛輒父子之名
名不正三節泛言君臣父子之名而衛輒父子在其中末句而已
矣三字與必也相呼應

衛君章 蒙引為政二字屬衛君不屬夫子若屬夫子不用而字只
曰衛君待子為政可也 又正名一答非但奚先一問亦示以不
肯仕衛之意也當時若仕于輒如何廢了輒而請命立公子鄆乎
既要廢他又如何仕他 按立鄆避父是一意立鄆是國人事避
父是輒事

有是節 張彥陵子路以輒承祖命而立於理上原說得去於名亦

不甚不正。故以子為迂。美其正者。言胡不以濟時行道為急。而乃欲理會到此也。翼註野是粗心浮氣。思慮欠沉潛。識見欠精密。

談話欠從容。

名不正

二節申言名不正之弊。正由所不知處。名不正三字。

提起下五弊一齊都到。言即指稱名之言。名不正則出口便逆。稱

之有通詞。當之有愧色。故曰不順。事是一身所行之事。下註中

政事。字不同。事不成。言事縱成就。亦不箇事體也。禮樂只據本

身說。即教化之本。如君臣父子之間。各有條理。便是禮。無所乖戾

便是樂。禮樂不興。就害及自身。言刑罰不中。不必說到刑不當罪。

即當其罪。亦是不中。何則。上失其道而民散也。以下就害及民言。

政事不獨刑罰。而但言刑罰不中者。蓋無禮樂之朝。必妄加誅戮。

以脅服人心。惡者倖免。善者反懼。民將為惡而惡不可免。欲為善

而善又不免舉其手足用之於所避所趨兩有不可故曰無所措
張房陵于路者得名是虛的夫子却步說到實事上去禮樂
刑罰皆政之極大處一步緊一步正見得正名緊關全要發此意
以反迂字之意

君子節 英因之必可言者斯名之正其慎于名也就指名之時說
必可行者斯言之正其慎于言也就指言之時說若說使其後可
言可行則于正名意不緊切了 按名必可言對上言不順說言
必可行對上事不成也禮樂刑罰在內末句本重名上獨舉言者
以言即稱名之言也苟者假借糊塗之意一事苟指名不正餘皆
苟指言不順以下 又明文許作云別嫌明微必稽于天理人倫
之至慎然慮始必安於人情物理之端講末句最有意

樊遲章 按躬耕畝畝聖人亦常為之然聖賢素位而行志在于道

初非屑于細事而必欲為之末一節全要把大人經世大學意說得透徹不得但講上下感應話頭

樊遲節二困勉錄云蘇子由以許行看樊遲甚妙則似不當以近利目之但究其實則亦是近利而已按小人對下大人者只當以位言之

上好節翼註三好字照兩學字三上字對上小人字礼義信代稼圃字供養今之身心而達之政事者言按上三箇民字即兼遠近四方之民亦兼遠近徭負而至只作之為之耕稼者

誦詩章按今人講此章專以園外為主着重在誦詩者身上見學貴有心得以為實用意愚者朱子一部四書依文訓詁何等謹嚴獨此節註論詩極詳末結云必達于政而能言可知此章是夫子刪詩後誘人學詩之意蓋古詩多至三千夫子刪之而存三百五

初恐人有見少之心。言此三百中。天道備人事。決更何政之不全。何言之非法。其有政未能言達。對未能專者。是必其未嘗誦詩者也。否則徒誦焉而無得三百者也。至徒誦而無得于三百。雖多至三千。亦奚以為也。雖字及奚為字。只是抑揚其詞。以明其為達政專對。所必由耳。多字宜指古詩三千而言。不然朱子註書何為作此不了語耶。又外註重在誦詩者身上。正註則重在詩上。因勉錄戴譚梁生說。已見及矣。而言之未詳。近日惟王雲衛依註作文。大賜厥旨。因備及之。

其身章。按此見為人上者。無可寬假之身。故令亦自不可少。但要靠自家身上。做箇準。則行字內有默馳于無形意。從字內有強制於有象意。正不正。俱兼內外而言。

魯衛章。困勉錄。世解兄弟處。都把魯衛不好事較量。不知夫子本

意正為魯。東周禮衛多君子。周公康林之遺風猶在。而無人振起之。故嘆其長有惜之意。有望之意。有憂之意。孫桓奔宋之禍。將不旋踵。而朝歌曲阜之墟。不復永存。子蓋先窺之矣。

子謂章。按稱子荆以風有位。其善處全在三苟字。三笑字。當始有時。不慕少有。少有時。不求富有。隨時自足。不假營求。三日字。是形容他心裏的口氣。非子荆真有是言也。須知居室本於居心。而寡營由於寡欲。

遼衛章。張房陵此聖人仁天下之心。特因衛而發。不粘着衛民上。富教總是保庶。只是不去峻削他元氣。縱壞他本心。即所以加之也。

遼衛節二。按衛民之庶。賴先公之教養以有之。夫子庶哉一嘆。口雖不言富教。而無窮心事已於一嘆中洩之。想他出口時。真是經綸。

滿字

冉有節

按陳云生食則人衆者先貧力作則人衆者先裕又云為

不善者固富者有其勢為善亦富者有其資四語的是名論續

困勉錄富教之權必操印上富之權不自上操則熟者必扶奇贏

以謀利強者必恃豪暴以恣取而愈富愈不可言矣教之權不操

自上則君子與君子必以學術相勝負小人與小人必以意氣相

倚伏教愈久而倍愈敗矣須有聖人兩之字

苟有章陸稼書此因當時天下人皆以為極重難返三代之治不

可復見故夫子云然矣見天下無不可為之時乃所以破江河日

下之勢說非但為當年累世莫殫莫究解嘲也若僅慨無人用我

便涉自誇甘泉何以春月已可治法立也何以三年有成治

化行也三年所成即是春月所立之治法法可以速去而化不可

以速行也

善人章

按夫子以當時專尚殘酷慘然有痛于心故遐想古人

言謂不必聖王制世便得善人以盡其用一善人而更得善人以繼之積之百年亦可以勝殘去殺此一字一滴淚也誠哉句一以逆折夫世之言稱名法術者一以見必擇善人而使之為邦且

善人之後必更以善人代之也

如有章

按以大學賢親禮樂和及孟子不怨不庸等合看便得此

仁字注脚

在上本于誠意在下各以誠服朱子所謂自一身之仁

舉一世之人皆浸灌透徹此豈可以速而致故祖宗之成模如遲

之于孫而收其效一日之風雨必要之百年以待其成

苟正章按此章專為大夫而發所謂正其身者法守循紀不敢妄

有作為是也

退朝章 按此非責季氏之僭是責季氏之專丹子所議實是國政
不是家事有政亦是實對夫子乃佯為不知者而曰其事也只一
事家字國截然分別而間之說蓋發其所和議于家者示以當公
議于朝也

定公章 按通章見天下之大攝於人主之一心人主實坐其難按
之勢而常臨于易逞之机故邦之興喪操以心之敬肆為之

定公節 按興字兼創業守成言幾訓期云一言力微未可期必也
為君為臣二字重見君非徒養尊處優臣非徒食租衣稅已也言
知而為在其中註戰兢二句意即補在知字內知難處就是為難
處亦即是興邦處不幾乎亦即在知上決之

喪邦節 按不亦善乎言一之善而莫違方縱不致喪邦則猶庶乎
其可也精神正與下句相呼應須知執定莫違豈惟言之不善者

足以喪邦。即其善者。不免剛愎自用。亦非開誠布公。

葉公章

按葉公佐楚。只是以力服人。不知政本在得人心。故因人心以驗政体。近說遠來。為政之效也。然必有所以致之者。故註曰。被其澤。聞其風。但只當于言外含蓄發之。

子夏章

按政亦有當速。當不遺小利者。弊在歆字。見字。欲速則銳。於進而不精不詳。必至前後兩壅。故不達。見小利。則或以小利既得。而忘其遠圖。或惜小利之失。而疑其宏算。故大事不成。夫子因子夏規模狹隘。故以王道之悠遠博大者期之。

吾党章

呂晚村父子相隱。是一定不易之理。非義本當隱而又曲。

取相隱以全之也。證父是本喪失。相隱正得本心之安。蓋父子是至情。直是天理。天下安有人情外之天理。故晚村此論最允。

吾黨節

芑山張氏相隱內寓義方之訓。幾諫之道。須想見積誠感。

悟父子一體閑切的意思相隱自不能已其自不能已處即直也
居處章 按居處是靜時執事是動時與人是物我相接時居處執
事與人各有其理恭敬忠未便是理乃所以存心以求夫理也恭
敬並言則恭主客敬主事若單言恭則該得敬如薦恭而天下平
是也單言敬則該得恭如脩己以敬是也 陳氏敬與恭不是二
物如形影然未有內無敬而外能恭者亦未有外能恭而內無敬
者 朱子心只是一箇心非是以箇心治一箇心所謂存所謂收
只是喚醒 按末句只是恭敬忠無間斷意

問士章 按說統云此章重行已有取一句孝悌信果俱行已有取
中事才質不足算亦是行已有虧即有他才能亦不足觀其重行
已句固是然首節自應平說至下三節方重在行已邊
行已節 陳介眉常人之取在事後君子之取在事前常人之

恥恥自外至。君子之恥。自内生。語類有恥。則不辱其身。使四
方能盡其職。則不辱君命。附潘文處已益高。而恥之數亦隨而益
殊。磊落俊偉之槩。翻借人世。微暖之私。以反現而內鏡而吮。易
屈。欬易汙。必不以末路而遺清明之累。治已愈嚴。而恥之數亦隨
而愈密。閱深。肅括之學。長借下流。夫豆之恐。以謹小而慎微。而居處
不潔。飲食不潔。斷弗以細行而貽陷越之差。又云。已無易就其
所睡而恥。則堅護其所明。已無樂起其所便而恥。則加制其所逆。
宗族節。按孝弟之道。通神明而光四海。而此特宗族鄉党見其無
不孝不弟而稱之。則感化有限。而施布未光。故為士之次。
必信節。按信果二字無病。在西必字。註識淺以所知言。量隘以
所守言。宋潛溪以賢智之圓通視之。則此不免為小人。以末世
之放誕觀之。則此猶不失為君子。而其浮慕大人之文化而失之。

肆孰若守小人之志操而失之。墜以小人而猶列于士。則以士。固不在浮偽故也。

從政章

張孝陵斗筭王罷量容受說。蓋其胸中所容受者。止有世。

味。更無道味。德止有俗情。更無名節。故以斗筭目之。

不得章

按孔所謂中行。即洪範所云平康正直。狂狷即洪範所云。

高明沈潛。指出狂狷。收盡世間有這種子。又絕世間假冒種子。狂。

者有氣魄。擔當得起。狷者有筋力。撐持得定。只在他志節上見。註。

激勵裁抑。合狂狷言。進取二句。須句。是與狂狷却句。是思中。

行方妙。中行狂狷俱以資贊言。

南人章

按方言與文言並舉。以見無恒之不可意思。俱在善夫不。

占二句見之。須抑揚頓挫以出之。方為神肖。翼註恒是常。久不。

變。要看得精。觀下易辭。則恒是恒德。即恒心也。一切妄念俱無常。

惟真心可常

南人節 按無恒則誠不聚故不可以交神明技不精故不可以寄

死生善夫句要得儆惕人口氣 王漢階云至醫其小者也而南

人且如此鑿乎言之也善夫最得口氣

不恒節 困勉錄不恒其德即是可羞不必外至之羞而後羞惟不

知此而為可羞則必至於或承之羞矣或承之羞外至之羞也

和同章 困勉錄和而不流威而不猛是一類就遇不及上論和而

不同泰而不驕周而不比是一類就公私上論兩邊各無相似相

反說然論遇不及則相反意重而相似是餘意論公私則相似意

重而相反是餘意如此章語氣當云君子于人是和不是同不必

論到有可否而後為不同方其和而無間之時原不是同何也公

也小人於人是同不是和不必論到有爭奪而後為不和方其同

而無間之時亦原不是和何也私也總之以理相合便是和以私相和便是同按此論剖析較諸說最精

鄉人章按好出于善是順而觀之、法惡出于不善是逆而參之之法然鄉人之善不善又將何以定之此在吾心先清好惡之源而何如俱就好一邊說而未可俱謂不足以定其賢末二句要合看本文不好如二字須知原非定法不過謂此善於彼若後章衆必察一察字便入微

易事章按君子小人俱指在上位者言易事難說非有心於難易也但自事說乎君子者見以為然耳君子只是一個無我不求順己而求順道不以道與君子東道之心自然不投不自欲阻奔競至以此道任人苟以道事我則一才一技皆得自効亦不要開張賢路他心裏廣大自然樂取若小人則反是而已又註公恕

私刻乃約其大意如不是推原不說非道由其平日致知誠意
清心寡慾原無可說之根在裏面而字面及其字最得相形互見
之妙事說要合併說

泰而章 按泰從敬來驕由肆得故君子小人皆有充然自足之意

然君子循理理得則心懽故心廣而體胖不必於謙謹處始見其
不驕也小人拘攣滿則溢故志盈而氣盛不必於憂戚時方見
其不泰也此皆在氣象上見而本原則在心之敬與肆而已

剛毅章 按剛是強勁的意思毅是堅忍的意思木指容貌無粉飾

也訥指言語無巧捷也四者俱以資言有資資質不屈不撓未彫
未琢本真全不受傷故曰近仁 依案剛毅與色厲內莊相反木

訥與巧今色相反正為以色取仁者於仁甚遠故以此為近仁仁
者一片真妙剛毅得乾之健木訥得坤之貞四字俱要淺者

于路章 按切切惇惇怡：如只是一句是想像出一段中和的氣
象來涵養工夫却在前一層。猶外言外見得若以此鋪張便索然
無味。豈非說不出善說者自不消說也。徐敬諤感人以心而猶
恐其情有未孚則積吾誠以動之。若是其切：如諭人以言而猶
恐其心有未悟則多其說以道之。若是其惇：如至若情有所當
加言有所不當盡則又和其顏色戢其詞氣以感孚之。若是其怡
怡如也等氣象與行：如迥別。獨此六字。極還疊字語氣。象
至此直是物我形骸之見有所不設而天地萬物之情宛然在抱
矣。末二句是養成後觸處咸宜之妙。不重。

教民章 按此是夫子重言兵意。蓋善人教民原非專為即戎而教
然教以孝弟忠信則民知尊君親上教以務農講武則民足食
足兵此皆即戎之本也故善人愛民心切本不欲使之即戎然教

以七年則亦可矣。

不教章 按此為輕用其民者發。教民亦是教以孝悌忠信。非如後

世之以兵法也。

問恥章 張彥陵有道無道。夫子原只兩平說。按註倒重有道上。時

說倒重無道上。俱偏然。旨意只重有為不重有守。以守非憲之所

難也。周季侯恥在倍情中。易見。恥在名節中者難知。困勉錄

邦有道。非全不要守。邦無道。非不全要為。但舉其尤重者言耳。

克伐章 張南軒克伐怨欲不行。亦可謂能制其私欲者矣。然克伐

怨欲之根猶在也。若夫克伐怨欲。仁者之心。無自萌焉。故制私於

沉未若澄之于源也。饒氏拔去病根有兩說。一是積漸消磨。一

是勇猛決去。平居莊敬涵養。此積漸消磨法也。臨事省視克己。此

勇猛決去法也。

克伐即蔡晉江克伐怨欲之私藏於杳然冥然之中而發於忽然卒然之際最難制的今能致之而使不行是其用力之艱有甚於激湍之隄防奔馬之馭駕者故曰難續困勉錄用克己工夫尚憂其復發况制而不行如憲而云耶汪大全克復者如救賊而不使之留者也敬恕者如防賊而不使之來者也不行者如藏賊於家不使出而作惡者也

士而章按此章見名為士必須有高明廣大一念不染的意思曰懷居便有物累便非洞然高朗的心胸了安所稱士懷字要透發有留忘不能割舍意居字說得廣凡吾所有而處其中者皆是不足為為士即就懷居上斷之

有道章姚承菴危言危行不意意氣用事只是當言當行的意無所顧忌人見以為危君子止以尋其常耳言遜只是遜于理而不

直。遂。此。正。善。行。其。危。處。則。墨。君。子。立。身。持。世。止。有。一。危。意。若。曰。君。子。處。有。道。固。言。與。行。而。俱。危。即。無。道。之。世。行。亦。危。而。不。文。特。言。則。孫。以。出。之。耳。真。是。中。流。一。砥。

有。德。章。按。此。章。歎。人。致。養。於。內。不。當。徒。飾。于。外。也。要。重。德。仁。德。緊。要。在。脩。己。上。德。与。言。是。華。實。之。辨。仁。與。勇。是。理。氣。之。辨。必。有。是。決。詞。不。必。有。是。疑。詞。不。得。徑。作。無。字。看。蓋。德。信。其。言。是。茲。積。中。自。然。之。發。洩。即。惻。惻。無。華。而。精。神。自。在。言。不。信。德。其。中。有。君。子。有。色。莊。故。不。可。概。以。為。然。仁。信。其。勇。是。天。理。中。自。然。之。剛。健。即。純。神。欲。氣。而。強。毅。自。存。勇。不。信。其。仁。亦。恐。血。氣。之。勇。與。德。性。之。勇。相。混。淆。也。蓋。不。本。於。躬。行。即。是。便。佞。口。給。故。無。論。言。之。強。辨。也。即。言。得。合。理。亦。是。便。佞。不。出。于。無。私。即。是。血。氣。無。論。勇。之。過。當。者。也。即。當。勇。而。勇。亦。是。血。氣。

南宮章 仇滄柱 福善禍淫 天道從來不爽。現夫子贊以君子嘉以

尚德則道之言。實屬不易之論理。此理信得真。深天知命。皆自此
出。聖賢只論理之常。不論數之變。不谷之故。斷主禹稷以當時禹
稷比孔子。照註自確。又言禹稷之德。而獨稱躬稼。只從當軒舉
其行事之實說為是。

君子章 按此論仁。不是論君子。小人。語意似為易言仁者而發。仁
不仁俱以一念言。不以全体言。又佐案使小人乍見入井。亦必
有休惕之心。然善念乍動。而納交要譽之私。已粉起。故雖行好事
亦是私心。真未有一息之仁。

愛之章 按人但知拈能勿二字耳。須知此節應拈勿勞勿誨。說入
言慈父忠臣。本意原欲勿勞勿誨。而一不勞。而此至愛之心。懣不
可解。一不誨。而此誠懇之念。抑而不伸。即欲勿勞勿誨。為能乎不

必說到不勞則子不賢不誨則君不聖也

為命章

呂晚村春秋時詞命原重然只是為國之一節在鄭却全

賴以此立國

按章意重在四子和表為國上草謂畧寫大意劉

謂造立體制討謂尋究典故論謂講論得失脩謂去其大繁飾謂

增其太簡潤色謂易徑直而使之委婉化鄙俚而使之新雅也裨

誌謀野則獲世叔美秀而文子羽能知四國之為而辨大夫之族

姓班位貴賤能否

子產章

按隨問隨答而三大夫之孰優孰劣自見以內夏外夷立

論直是不通

子產節

按子產治能制義刑以懲奸亦非一愛者要其用心則專

主于愛在位而愛歌沒世而思子產其有遺愛乎

子西節

按子西為人雖事有矯情名且要譽而要之無以議為也

夫子只着一彼字。既疎而外之。復推而遠之。子西之為人。蓋在不
論不議之列矣。

管仲節 按人也二字。語意連下。虛說為是。夫子本意。只是歌明管
仲為有功之人。却不直說。特舉駢邑一事為言。最是善形容處。蓋
知約非人情之願。而與奪有榮辱之分。是孰能終奪之。而終無怨
者。今伯氏有然。此雖其恬退守義所致。然非仲之功深。足以服其
心安。祇沒齒無怨若此。

無怨章 按二句平說。俱就常情言。無怨與樂。漸近無驕。與好禮尚
懸。其難易之故。須就時勢透發。若云無怨甚難。無驕特視。無怨為
差易。此意亦註中所有。以為意則可。若專以此立解。未免顧奴失
知。又若樂與好禮。便分不得難易。若有道者。不知有貧富。則無怨
無驕一也。此又當別論。

公綽章

按老字。反大夫字。是寔字。趙魏滕薛俱要活看。註大家勢。

重。并國小政繁。只是順文解釋。非指定趙魏滕薛也。亦要活看。

高中玄云。若使他做家老。就是趙魏大家尚優。況小於趙魏者乎。若使他做大夫。即滕薛且不可況大於滕薛者乎。此說得極活。言外有公綽任職不稱之意。有譏魯失官之意。

成人章

按上節告子路以人道之全。下節告子路以人道之重。首

節下截是中行次節是獨

成人節

呂晚村云。至聖人方可為成人。雖程子推原說。然却是第

一節亦可二字意思。此處托起一層。兩個亦可。方有分寸。按註

才全德備二句。承山子之長。來中正和樂二句。承文之以禮樂言。

禮樂言本末言文之。斯不見有智愚勇藝學之所以臻於化文之

方。為智愚勇藝學之所以致其精。困勉錄。智愚勇俱是德藝是

和如此。則與下節註才智禮樂有所未備。句為合。蓋思義足為援。命是勇。而知藝則未備。以才字代藝字。註自明。

今之節。按而見字。一不忘字。要玩。利害未見。人多義命自安。一當

其前。不覺貪畏。姑要之曰。人多慷慨。期許久之。不覺頓忘。此皆念頭不真實之故。能思能執。能不忘。則已有忠信之實了。然是勉強。意居多。故曰。亦可以為成人。按平坐之言。是平日期許之言。不在然諾上論。大約即是上文義命。蓋利害乃人道大關頭。始終乃人道大操履。久久要不忘。方守得義命定。打得關頭破。

公叔章。按文子是寡言寡笑寡取的人。註所云。庶靜寡歡。是也。夫子以不言不笑不取為過。而問之賈。賈亦知告者之過。而不知時措之宜。稱許已過。故夫子疑之。

公叔節 按人見他沉静便以為不言不笑。人見他康靜便以為不取信于一問。夫子已早疑其不情。非欲得其恬靜之實。以為世之巧令翕鼻者歟也。

公明節 按言笑取之發。固有使人遊其中而不厭者。亦有使人見其約而不厭者。是不厭之言。非如時也。不厭之笑。非如樂也。不厭之取。非如義也。今日時然後言。樂然後笑。義然後取。此非聖人烏能一一各中如此。

武仲章 按臧氏原有後于魯。至武仲之身。作不順。施不恕。以目取長。倘其出奔之後。以身待罪于邾。而為之請。孰得謂之要君。至求為後。而如防是。以防求也。言稱先祀。明予魯。以可從之名。身反故邑。寔要魯。以不得不從之勢。使告在後。示魯以請命之迹。攝邑在前。要魯以不待命之權。

晉文章

按王道出於正。至王降而伯君論心。則桓文俱不免于譎。

夫子此論特就其行事言耳。

按晉文當楚圍宋時。則伐曹衛以

致楚師之援。至楚圍宋。則復曹衛以携二國之交。如干曲之會。以

臣召君。翟泉之盟。以下攻上。無非陰謀取勝。而不知尊王。若桓公

於楚未服時。則責已茅而伐之。至楚既服。則釋曹衛以得之。如葵

丘之會。明王禁首止之盟。定世子。無非仗仁義以尊王。故曰正

而不譎。吳因之。此夫子賤伯之意。初非評其優劣。權以濟事曰

譎。晉文創伯于桓公之後。此時緣人心已識破伯者。机關不可再

哄。故其取威定伯。多譎而不正。若桓公初做這個事業。緣人心尚

思王道。仁義二字。尚鼓動得他起。故以正出之。而人心即服。夫子

言此。正見伯道之不足尚。晉文已不及齊之所為了。况其學公

而又差者乎。

桓公章 按此章子路疑管仲之未仁在心術上論夫子之許管仲以仁在事功上論

桓公節 困勉錄以夫大義大信服之省了多少戰爭 呂晚村九合諸侯此是桓公的志事然桓公只解兵車以合之耳不以兵車而合諸侯此方是管仲妙用仁者之功也

管仲章 呂晚村聖人此章義指甚大君臣之義域中第一事此節一夫雖有勲業作為無足以贖其罪者以管仲仲切一部春秋大義猶有大於君臣之倫為域中第一事者故管仲可以不死原是論節義之大小不是論功名也

管仲節 四書脉又相二字極重見得北面事仇何顏自立其昧心一至于此 吳因之夫子稱管仲之功正叙處只在一匡天下句下二句又承上一匡意而益致鋪張之詞到今受賜止是言後世

被澤而當時之意便已在內不可以一臣受賜作天下後世兩平
對看。呂晚村朱子云召忽之功無足稱而其死不為過仲之不
死亦未嘗害義而其功有足憾此條固非予仲之生而恥忽之死
也所謂匹夫匹婦之諒亦以其後之功較之則此一死真小諒耳
故下箇豈若二字謂其不死又過於死也非指當時原不可死
即匹夫匹婦之諒也

公叔章 呂晚村是美文子之事不是辨文子之謚若認真舉與僕
同升事牽合文字謚法作一篇駁義覆議宜聖人立言意乎策公
被薦而不知師德及門而終抑宰相須具此麗識記同升而不記
其薦賢正見文子大臣作用大臣風度

文子節 湯賓尹使文子有媚嫉之心而見不達則才露而恐其形
已僕必不能以臣役之身而自奮於上使文子有推讓之心而見

稍不廣。則收而為己之私。席以成己之重。亦必不能以我所臣服之人而共之于上。

子聞節 按此借謚法以見文子之進賢心地俊偉光明。即此一節便無愧為文。此句當重可字。至惜史臣之畧大而舉小意。只帶言。

子言章 按此就衛靈之不長而推論其用才言。尚賴此以不心非謂得人便可無道也。衛多君子。靈不能用。正坐不能脩身飭行以知人。而其所用止此三子也。三人又非仁賢。即謂公明于用人。其明幾何。謂三人盡其才。其為才又幾何。然而可以不如者。各當其才。故也。重在當字。

子言節 按無道指彞倫紀綱大槩言之。上如是指無道言。下如是。指用人言。

其言章 按無志而言。是為不敢不能而言。是為即欺即肆而不知。

息。緣。欺。而。斷。其。妄。也。不。待。後。日。不。踐。而。始。知。也。

陳咸章 朱子夫子初告時本是次然討陳恒及後不從目見夫子之言亦可以徹三子若竟說託討陳恒以徹三子聖人決不若是迂曲張彥陵孔子請討樂然正君臣之義若云借以正魯反以而不欺不告一是背後說是欺詞一是當面說是徹詞一見吾大夫且不敢不告況若乎一見吾為苦老之大夫且不敢不告況在位之大夫乎

勿欺章 呂晚村事君有犯無隱犯非人臣所諱也但以欺而犯則不可耳子路勇于義况犯非其所少正恐犯之時恃其義勇有不盡合理盡誠此即不失愛君之意而已不覺入于欺意原重欺一邊按勿欺工夫在誠意

上達章

按大全辨惑君子時。存此天理如登層臺然。美可大。

可聖而神其進即不厭己小人總動念於欲則凡欲皆呼群引類。叢至徭來其進亦即不能已故此即當與孟子利與善之間參看。理欲初分只在一箇念頭上分別。又此全是要學者謹幾意不。上達即下達無不進不退不升不崩就中可息肩住足之地上達。下達是中間話不是兩邊說。

古之章

按西為字是學的主意為己則天地萬物皆屬之己為人。

則形骸耳目皆屬之人故稱書先生云此章是務名務實之分不。是成己成物之分為己為人俱兼成己成物說但其所以要成者。不同。

伯玉章

按人知此章重在寡欲句是矣然專言學問則腐但言交。

情則泛惟於學問上見交情見聖賢用功只在自己身心上而聖。賢相契亦只以心非世人泛交可比。

使人節。按夫子之問。是問其所為。非問其所欲。是問其所能為。非問其所不能。乃使則以所欲告。一若未有為而早陽之。已為而旋悔之者。惟得遇之為親。且以其所不能告。一若不為之而遇在於不為。輕為之而遇入中于為者。惟未能寡之為耿。只此一語。把伯玉克治之嚴檢。身不及之表。一齊都到此。不但得伯玉之心。并得夫子之心。笑使乎一嘆。嘉使也。寔嘉伯玉也。

曾子章。呂晚村位字寔。補身之所處。與所遇之事而言。不出位。是止而不越之意。句。從曾子分上。體認親切。才見得他平日有學思誠之學。按君子有專一之思。有順應之思。蓋思一於位。外不分。是何等專一。身無定位。思與之俱。是何等順應。耻其章。按言易有餘留之。以口不若恠之。以心耻其言。便覺一矢。

口間具有無窮之指視故取字比謹字尤深切行易不足防其不足務求有餘過其行便覺愈重中獨有兼人之勇猛故過字比敏字尤精深銳

道者章 按此章夫子實見得於道有未盡而子貢則知夫子之已能道字虛說下三句正是道三者字不是三樣人即于會聚於君子之心者名之也故其純然處即是仁洞然處即是知浩然處即是勇完全此心之本体使是不憂不惑不惧

道者節 呂晚村上論知者不惑三句與此迥別此章是就考驗言重在下半截上論知者章就成德言重在前半截

自道節 呂晚村自道為謙詞即文王望道未見之意非聖詞遜謝之謂此正是聖詣高深處不覺深露出來

方人章 按方人亦不是不好的玩註專務二字子貢之病在把做學問內一件事者賢字以自治有餘言不暇字以自治不足言夫

我則不暇。非。諸語是實。話。夫子一生好古敏求。下學。下達。安得有暇。苟自以為暇。便是學人大病痛。

不患章。按。凡世之以不知為患者。類皆有自負其能之思。殊不知重遠之。任學之。而後難。缺畧之。故及之。而後知。雖有令名。不足以補吾之不足。即有游聞。不足以寬吾之隱憂。患在不能。全是求其所以能處。此為己之實功。并求為可知。念頭一齊都掃了。

逆詐章。存疑。逆億。是把大去。炤物先覺。是大在此。物來自照。聖人此語。是說非逆億之知。乃明炤之知耳。億度之知。有心。明照之知。無心。張。彥。陵。不逆不億。主虛說。不主誠言。蓋虛是無意。必誠是有定理。自有分別。按此非謂不逆不億。即是先覺。謂不逆億而又復先覺也。非謂惟其不逆不億。所以先覺。謂惟其先覺。所以不逆億也。先覺工夫。全在平時窮理格物。蓋理明則感而自應。觸而

自知也。近有愚知幾說者亦是。

微生章

按此章見道不可以委蛇。權不可以執一。是故佞者忘弟。

聖人不敢為。固者忘世。聖人不忍為。

微生節

按無乃二字。彼非直指夫子為佞。乃設此以探其極。之

意。

孫淮海微生章徒泥于無道則隱之說。而不和聖人以道易

天下之心。此便是固處。

驥不章

張彥陵驥所謂德。在加處見之善。用其力便是德。若合

德而言。加此與凡馬之馴良者何異。故德力兼方謂之驥。然驥之

所以見稱於世者。却在德。不在力。則君子之所重可知。按標必

驥之得稱。言若人之解驥。只是餘意。

或曰章

按通章重報怨上。報德帶說。報怨。世人有心於薄。或人

有心於厚。聖人無心。而各得其平。

仇滄柱報與復仇不同。仇關

君父之重。怨屬一人之私。

或曰。三高中。玄直者。情理之無所回者也。若本有可怨。乃曲其心。

以為怨。置之不聞。是匿怨而友。微生高之乞醢。可以為真乎。然則何如。曰。怨當報。則報之。無過。則為不當報。則不報。無逞忿焉。出乎心之公。得乎理之正。斯為直而已。

莫我章。按。莫知。即舍下學意。下學。自兼內外。說專以墮點見聞。獨

持心。體為解者。偏下學。從不怨尤。始不怨尤。便是下學上達處。不作兩層看。下學上達。朱子云。不是下學外。別有箇上達。須自下學

方能上達也。

莫我章。按。知是心契之謂。與不患莫知之知。大別。子貢平日却在高奇炫赫處。求知聖人。而平淡精微之妙。尚未能知。故夫子自嘆以發其問。何為言何所為也。與他處為字不同。註此。但自言三句。

直貫至其天乎住。不是止截到上達住。春何為一問。必先從不怨
尤說起者。蓋怨尤之念。打不過。必不厭於聞。修處着。加下學是即
事。即物探討。尋驗。即下學處。有融會貫通之妙。是為上達。斷宜從
存疑處。即說此天字。指蒼天之天。但天者理而已。知此理。與之相
契。故天獨知之。註人不知。而天獨知之妙。是為下達。深味其語意。如
如此。非夫子自譽也。

伯寮章 巢覽子達人安數。壯士除奸。各成其是而已。乃是推加道
之。將行四句。泛說。末句方着伯寮身上說。

賢者章 按此嘆世道之衰。致賢者不容于天下。不容于邦國。所謂
賢者。是時中之士。貫下三句。避世。亦是舍則藏意。不是沮溺一流
避地避色避言。從要見賢者。自有委曲行道之心。至不得已而出
於此。則世道之衰可知。

作者章 按此章須知作與辟不同。避只是回避。不是斷然不出。作是翩然遽舉。已無意人世矣。夫子與他見幾。玩一矣字。有無限憂世憐才之意。

石門章 樊亭知其不可而為之。不過為之志。未嘗休也。猶子路所云不仕無義。君子之皇。歛也。所以行義也。席不暇煖。即所謂為。即所謂仕也。其實何嘗為何嘗仕耶。按晨門雖是訛。孔子然於聖人。心事却一語道破。自是春秋知己。

子擊章 統無回當時如荷蕢楚狂一流人。亦非無心於當世。但其分量未到得無治無亂地位。故決然長往而不返耳。驟聞磬聲。不覺打動熱腸。忽然嘆曰。有心哉。旋轉一念。又曰。鄙哉。始之嘆。即夫子之心。既之鄙。即真荷蕢之心也。夫子嘆其果。而曰末之難足。見夫子一生心事。只是寧為其難。

擊磬節 按擊磬亦是偶然。但夫子一副憂世心腸。不覺于磬聲傳之。鄙是鄙其識之不達。磬、是病其守之太堅。莫知以下正。說他鄙而磬之處。引詩。只是言涉水者。尚知淺深之宜。用世者何不自量度如此。末之難矣。只是自明心事。不重諷荷著。

高宗章 按既是己職。何謂總攝。此已通大小官員自己言。如錢穀兵刑之類。都總來一聽。冢宰處分。處分之後。仍命百官分理。而冢宰考其成。

好禮章 存疑。禮不過是日用當行之禮。節文儀則散見於日用事物間。如子當事父。弟當事兄之類。好禮者必自己躬行這禮。既足為觀感地。又如佛教。如率人見無禮者則懲之。有礼者則獎之。如此方是好礼。由是礼教風行達于四境。民皆知事父事兄而名定。故易使。

脩己章 按此章只重脩己以敬一句敬字內即寓安人安百姓之理中和位育不過一戒慎恐懼而已下二卷雖愈推愈深外面遠一步止根本處深一步安人安百姓在脩己外推擴固不是謂一敬便了更無次第亦不是 按如斯而已乎兩重問答不要鋪排安人安百姓總要收到脩己安人安百姓之已非有二也而脩則有淺深之不同到安百姓是安之盡實修之盡也克弊猶病是以己未脩為病不在安百姓上發念正是脩己以敬處

原壤章 按夷侯不是故意慢夫子只放於禮法之外耳昔人云禮宜為吾輩設即是此意

將命章 按通章以禮字作主童子不循禮故夫子欲使之習禮習禮內有抑其虛矯反其德性意不徒以儀文為重

將命章 王觀濤成字乃成人之成亦童子者非學問有成也只據

他以成人之禮自居故曰欲速成兩章合看上章是愛人以德此
章是教人以禮

衛靈公

靈公章 按上節是行之決。下節是因之安。總見聖人之窮乎遇而

遇。終不足以窮聖人也。

問陳節 按靈公一生錯處。俱在禮教上。所以俎豆正是夫子救時

手段。欲公深思而自悟之耳。事字包得廣。凡一切札文皆是。故祭

祀不止俎豆。札又不止祭祀。俎豆之對有二意。一欲其高折衝于

樽俎。一欲其先樽俎而凌折衝。

在陳節 按愷非為絕糧為道窮也。窮是阨而未通之意。固窮作固

有窮。有方與上亦有字相呼應。而固字意補在後。恰与下濫字相

對。始

賜也章 一按夫子所謂一。只是誠敬到極處。便能以一心而貫萬

事非先有此一而後去學識一貫。原從多學而識未亦非一貫後遂把學識拋舍。但與平日聞見覺有不同處耳。首尾指點字、親切

賜也節二

董思白學惟從博。然後到要約。不是起初就不要多。故云

女以子為尊。在多學而識否。語須有斟酌。呂晚村然字銜口而出。非字接口而出。然字種根深。非字轉頭快。

非也節。按一貫貼學識說。心得則理無不得。心存則理無不存。此

是一貫真是處。李安溪從來講者只說得貫之以一。未嘗說出

一以貫之貫之以一者。如孟子所謂反說約。朱子所謂豁然貫通。

義非不是。但一以貫之者是學問頭腦。不是指其究竟處也。惟當

先有此頭腦。故後來能到說約貫通的地位。中間須歷多學而識

博文詳說許多工夫。蓋雖聖人不能無所謂貫之者。此也。即或知

此意矣。又不知一是何物。所以有此一者。從何而來。蓋令人措意

冥然之鄉聖門實學真有哉

知德章 按夫子疏水曲肱顏子簞瓢陋巷方知是知德知是真知

全從沉着體認而入非執意見任意氣者所能得故以為鮮

無為章 按舜所以能無為者兼德盛紹堯得人三意若云本盛德

去紹堯去得人則融三為兩矣此意當補在其舜也與下上二句

已經說盡夫何為哉二句只是申說上意恭己指容言是形容無

為之象非追原無為之本也

問行章 按上節是論行之理下節下手工夫曰立曰在與亦即兩

者以示例耳推之而出入起居動靜語默無不然也

問行節 按行是行去不阻滯故曰猶問達意忠是言符其心是不

欺信是言踐其事是不食焉是待人不可薄敬是戒懼不放肆博

學二句是致知之鞭辟近裏着已忠信二句是力行之鞭辟近裏

着已

立則節二

按此節言理本無間故心不容有間必持以不懈之加密以至一之表使忠信篤敬之在吾者常昭然于動靜不分久暫而身若與之接目若與之謀故當其未立未立與之時而所謂忠信篤敬者未嘗往即當其既立既在與之時而所謂忠信篤敬者仍即存兩則字見得形與道俱實有持循之意夫然後行見得行之難意書紳者是欲其觸目而儆心也

直哉章

翼註此是夫子表二大夫之賢一是不拘時而易其節一

是能相時而行其志俱切衛事上兩節有道俱淺者困勉錄二

節有來俱重無道一邊但夫子口氣只是平說在者書者於言外補說二子優劣則于無道邊見耳按有道無道只作有事無事看那指衛邦伯玉奉懷只就他作用韜晦不露鋒穎以搜禍患便

是他涵養處二節通体俱是贅詞不重分二子高下

可與章 按可與言是靈而能受聞而能悟者不可與言是拒之而

不受語之而不達者亦字極妙合二句省方見知者施教如良醫
用鍼鍼入竅故下二句平做截做提不如合做為得

志士章 翼註志士是利仁者仁人是安仁者不重分優劣害仁成

仁只在心之安不安上 朱子只是義當殺身即是成仁若能為

成仁而殺身只是便是利心 袁城陽有殺身而非取必于殺也但

無求生之心則殺身不殺身俱是仁如有一毫私意於其間則貪

生妄死而不足以言仁也

為仁章 呂晚村上罷字對下大夫士上利字對下賢仁于貢結駟

連駟所少非大夫士也未必事賢友仁耳故夫子以此藥之重在
賢仁上而之字極着力先正了自己去事友的緣由事賢友仁便

有嚴憚切磋之心。有如此便是心存。心存便是為仁。

為邦章。表了凡有天德。然後可語王道。顏子天德已具。故於問為

邦。但告以四代之禮樂。使無三王之德。而但襲三代之禮。必不可以復致。以復致雍熙之治。無虞舜之德。而但用九韶之舞。必不可以復致。鳳凰之儀。按斟酌前代。只是舉一以槩其餘。

為邦節。翼註。時以歲言。四時以春為首。時之正也。今以節候言。陽

春司令。氣始和。物始生。今之善也。震剛殷之建。且月窮而星四

制。非不善也。周之建子。剝盡而復返。義非不精也。孰與夫人紀之

建。所以終天地之終功。惟得夏時。以坐明堂。以頒正朔。無非授天

而奉天。

來殷節。翼註。殷輅樸素渾堅。質也。等威已辨。質得其中也。周冕華

而費。文也不為靡。不及奢。文得其中也。不為靡。承加于衆。休之上。

不及奢承其爲物小。都是總名。言舜則聲在其中。玩一則字。分明在治定功成後了。鄭聲淫。是聲音淫佚放蕩。佞人殆。亦指佞人心術危險言。若淫人心志。殆人國家。尚後一層。

遠慮章 按此示人思患預防。以爲弭憂之道。人是擔當世道的人。遠慮。兼時地說。是慮理不是慮事。以其經畫國維。可使當里之遠。百年之久。保安無事。故謂之曰遠。以遠慮之人有二。一是悠忽。一是浮躁。禍机每乘人精神不到處。入必有近憂。何以必之。必之於其疎忽焉耳。

好德章 陳氏已見子罕篇。此加上三字。做人之意愈切。

竊位章 艾千子文仲豈排擠柳下惠哉。特不竭力荐之耳。當時固由魯不賢用。而文仲不竭力引薦。其罪自見。竊位處輕講。不與立處婉刺。方得聖人責備賢者之意。

躬自章

按聖人不教人避怨。亦不教人任怨。只要我無可致怨之

道。

又首句困勉錄云。要說得廣。極是。蓋躬自厚。不但我所施于

人者。如謀歆其忠。交欲其信。一。要求盡其道。即我之。所以自修

者。亦一。不放寬自己。薄責於人。不但人所應於我者。如愛人不

親。而不責其親。禮人不答。而不責其不答。全不求全責備也。即人

之。所以脩己者。不念舊惡。不急求使知。亦隨在存體量寬容之意。

如此說方完。蒙存尚只說得一邊。

不曰章

按兩個如之何。乃心與口自為商量之詞。朱子云。率意妄

行。這等人有兩種。一是躁妄。不肯如之何的。一是愚鈍。不曉得如

之何的。吾末如之何。云。雖言亦無由入也。四書講。夫人無自籌畫

之心。則其心已粗。夫人無自逼迫之心。則其心已安。

羣居章

四書鏡。此見朋友不可辜負了。群居的。子氣象。不可坐失。

了群居的好光陰。按言不及義。雖就言上說。好行小慧。雖就行上說。然有大全朱子意。似側重在下句。末難矣哉。註入德克惠。兩意並重。

義以章。合於義以方外。是義為用也。而此章則以義為體。義者宜也。如橫劍利刃相似。凡事物到前。便兩分去。是剛決的意思。須是萬事俱靠他做骨子。然剛斷足以成務。品節人要詳明。君子恭敬樽節。束身于軌物者。嚴矣。而義即以是行為相。其輕重而次第之急而不遽。緩而不迂。揚子。有有其文。而義乃不嫌於徇情直達也。然禮仍是嚴的。濟之以遜則柔。君子之樂易。溫文。宅表于和粹者。已久而義即以是出焉。言無暴戾。動必謙卑。而義之失於作意矜情者鮮矣。弟文魏盛者。真意易潛委曲。多者中情或薄。君子去偽存誠。天懷固極其肫篤。由是以成吾義。勿貳以二。勿參以三。雖

其品節退讓之文。無非真懇純一之意。事以信始。亦以信終。義之所以無輕發。無速敗也。要之禮即義之度。義之和順信即義之貞固。三之字俱指義言。君子哉。見義以為質。何等正當。礼遜信恭。又何等純全。

無能章 按此是發明君子心事。無能者不能知不能行也。君子只求其在我。非以為我有能而人自知之也。如此則亦是正義謀利了。

沒世章 按此聖人勉人及時進脩意。當與後生可畏章參看。齊氏云。求有為善之名。固君子之所羞。終無為善之寔。亦君子之所惡。張氏云。名者名其寔也。終其身而無寔之可名。君子疾之。非謂求名于人也。二說可味。蒙引疾自疾也。厚齋之說不可用。翼註疾是愧疾之疾。預計如此。非至沒世方疾也。

求諸章 按此辨君子小人用心不同。學問與涉世說學問則君子小人。有為己為人之別。涉世則行有不得者。又有自反與不自反之別。

矜而章 按此見君子正直和平之養。當作矜而不。至于爭群而不。至于黨解。相似意只帶言。蓋此四字。須要辨得清。矜以理勝而爭。則以氣勝。群以和衆。黨以私比。

不以章 困勉錄此章是君子小人聽言之道。而言字不必專指好一邊。兩人字不必專指不好一邊。大旨謂君子之於人也。何嘗不與言並舉。但吾之舉之者。自有故而初不以言舉之也。蓋以言舉人。則人之不賢者。飾空言以進。而用人之速混矣。即人之賢者。僅以空言見知。而用人之速亦混矣。故君子不然。君子於言。何嘗不與人並舉。但我之廢之者。自有故而亦非以人廢之也。蓋以人廢

言則言之善者。因生平之行而見棄。而言者不服矣。即言之不善者。亦僅因生平之行而見棄。而言者亦不服矣。故君子又不然。

一言章

按一言之間。子貢要得切要之圖。從此身体力行。只是言。

學問。未曾有身世人我意。行字不是子張問行之行之字。指一言以終身之行。而要於一言之可。則必立少觀多。可以綜得聖人賢人。經緯萬端之由。可以統得萬事萬物。恭伍錯綜之分。而乃非偏而不舉。擇而不精也。舍恕寧復有一言乎。舍恕之不欲勿施。寧復有一言而可以終身行者乎。其恕乎三句說來。只似一言。方妙。附近見時文二比。真是徹上徹下。可供註疏云。即至刻薄寡恩而苟于一言一事之間。傷忘乎故吾。而於是一言也。數不見其不足。何也不欲者。隨分而盡。即勿施者。亦隨分而盡也。即至恆久不已。相嬗于十世百世之遠。以多其積累。而於是一言也。數不見其有。

餘何也。不欲者。接時而生。勿施者。亦接時而生也。

吾之章。按此是夫子欲挽斯民于三代意。以直字作骨。大意云。直道良而人之于人。久以毀譽行之矣。吾之無毀無譽者。豈梁人之所行異。亦以斯民也。其性本直。三代之君。所不敢枉其公。是公非之理。而以直道行之者也。吾之無毀譽。吾竊以此自附于古之遺直云。

吾之節。按毀譽不必盡是私意。有嫉惡太嚴。而流為矯激者。有崇獎情殷。而謬為許可者。而誰字。言有毀譽。必有受吾之毀譽者。試問受者誰耶。有試後譽。且無之。況於毀乎。

斯民節。說約三代之直道而行。三代之無毀無譽也。吾之無毀譽。吾之直道而行也。所以二字。屬在上者說。後書此節。推原上節。

欲聖人自明其直道。欲天下共遊于三代也。虛字宜着眼。

吾猶章

按此章感慨全在吾猶及三字。蓋吾生之初先王之政教

已無復存。然大綱雖數而細者或守其常。王澤雖微而餘風不至

盡。民如史之閔文。豈但一事之不失其官。即先王正性命之理以

養人心之直於此而微有焉。借人豈但人心之好行其德。即當時

因物力之豐以成習尚之厚於此而驗。今則併此亡之。故日益偷

及三字。見文武周公之遺烈。經數十王之所蕩。猶有一二之存。今

則流失敗壞掃地已盡。及今挽之已不及前之易為力。却可聽之

于後耶。此是言外微旨。

巧言章

按此為立德立功者言。見平素貴有明理養氣之學。人有

所得守之於己。巧言說得一團道理。使人惑于是非而無定守。故

曰亂德。小不忍。是小仁小勇也。或以優柔養奸。或以輕躁速禍。故

亂大謀。

衆惡章

按此亦不是衆論全屬無憑。但人之受好受惡必有其因而其人之可惡可好必有其寔。我不之察。即衆人之好惡自真而我之惡衆人之惡好衆人之好者。自妄如此。講必察二字。方是虛中無我。且見聖人用心微細處。

人能章

呂晚村道字。只就人身上說。如性命事功人倫物理之類。

弘是擴充展拓之意。人與道本不可離。但欲舉而弘之。其責却在人。弘字地步亦不同。由賢而聖。由聖至化神。人做得一步。道弘了一步。非人何從見其境界。後加非道弘人句。正是聖人重加鞭策。使人不敢希冀道之亦有功于人。

過而章

王視濤是謂口氣甚急。正要人急改。非謂能改時。遂不妨

於過也。

吾嘗章

按學字。正為苦思者。指點頭路。叫他便即以其所思者學也。

不是叫他廢思。首二句。須從別人身上說來。吾嘗二字。方醒。無益不如須味註。勞心。必求二句。蓋思只懸空思索。便要入理。終無自得之益。學則循理會。深造以道。而自然得之。遜志。猶云耐心也。益不益。只在自得不自得上。

謀道章 朱子君子謀道不謀食。是將一句統說中。又將說耕也二句分兩脚說。又恐人錯認此意。似教人謀道以求食。故下面又繳一句。謂君子所以為學者。所憂在道耳。非憂貧而學也。按謀以功言。憂以心言。憂是謀的主意。

知及章 按此章見君子為學。知行與涵養交進。先涵養其大原。而後可以致知。而力行者。學之所以基其始。既致知而力行者。知所以養以幾于純粹之域者。學之所以善其終。章復元知及是格物致知事。仁字是誠意正心事。莊莊動礼則脩齊平治事。此章是一

大學的明新工夫

知及節。按持其志而不紛。主於一而無違。此致知涵養工夫也。有

此工夫而於吾心所具之衆理。有以究極其表裏精粗而無不貫。則知反之矣。然由知至二之功。又有反身而誠之事。苟智足以察其幾之動。識足以辨其已之私。而心之所以謹幾克己者。力不負而操不固。則不能存之熟之。使心與天理爲一體。而人欲遂得而勝之。此其所得非真得也。安能勿失。

知反節

按惟難得必失。故學必守之以仁。然後一人欲淨而理天

疑有以得其本然之性。定而天下之動一矣。然動容周旋無一時而非仁。無須臾之可離也。苟非莊莊而民不敬。是即吾心戒懼之偶歎。而所以養吾仁者未純也。蓋說民之不敬。是言我心之敬。不祇與民相欽意。見無仁人流露之精神。不重民不敬。只重在

不可不莊上

知及節三翼註動民。土化民說。凡化民者。條教號令。皆有大中至正

之則。是之謂禮。字要看得細。如一條教也。張施寬猛之合節。一

號令也。緩急輕重之得宜。寔皆本仁中之天。則所表見。礼字屬裁

不属民。不是使民循禮。只是我循禮以動民。不以禮只是小。外

錯。當急畧緩。當緩畧急。亦無大害。但終未全善。蓋是即吾心操存

之偶畧。而所以養吾仁者。未精也。劉大山非擇善無以爲固執

之基。非持守無以充精義之寔。不主敬於博學篤行之先。無以存

之心。而培其本。不完養于真知寔踐之後。無以成之性。而暢其支。

所以學肯止於至善。而化氣習學問之小疵。以造乎天德王道之

極致也。君子爲仁之學詳矣。

君子章 按大受小知俱以事功言。知就外所著見說。大就中所承

當說不可小知。君子原不是小處不全。只不可以此知之耳。小人只是瑣之輩。材德器量。搃一樣。不必分配。君子小人。此見觀人者。大小並用。而後盡天下之材。知定珠觀而後辨天下之品。

民之章。按此為下等人提醒。上截較緩急。下截較利害。是步步追出。仁之無尚意。沈無四仁者人也。無物可與之較。緩急即以緩急論。而至切之水火。猶為未甚。蹈仁亦不當以利害論。以利害論。

而仁人徒有利而無害。

當仁章。按當是當之當。仁便是不讓處。下四字不過足上之詞。

不必泥師字。仁字。須指大處難處說。

貞而章。按貞而不諒。義無兩層。然却是貞疑于諒。而世有以諒為

貞者。故特別而言之。貞者無私。以天下之理為主。諒者有私。必一己之見為主。君子於一爭之立。揆其道之所從出。無倖志。亦無就。

心即兩可之事。聽其事之所要。歸不畏難。不以苟屈。有養正而無
徇私。貞而不諂。是乃君子之所以為貞也。

敬事章

按事君則必有事君之事。一日之事。有教世之治亂以別

聽之。有萬民之名。義以居之。此安得不敬。能敬則得食于君而無
慚。然事與食。却未可並念而存。後是置而不顧。非隨後之後也。

有教章

困勉錄人之始。原無類。其有類者。非其初也。故君子有教。

其心仍以無類者待之。大意如此。至君子道大而神有教。則激勵
裁抑。可合智愚。賢不肖而皆歸于善。此意亦補說方完。

道不章

困勉錄善惡邪正。新安以君子小人。吾道異端分貼。極是。

然君子中又有異同。吾道中亦自有異同。此不謂不同。

辭達章

按未達要達。既達則不可以復加而已矣。三字所謂行乎

其所當行。止乎其所不得不止也。註不曰理達而達意者。蓋詞只

當於意說者。意入須合理。自有層次。

師冕章。按道非有名可示。有法可取。遇師即有相師之道。子自率其不容已之心。曲赴乎自然。而然之道。通章重一固字。子張曲心觀察。與師一問。最為切實。夫子應得甚平易。猶曰道理固如此。所謂故心所欲不踰矩也。

師冕節。按子之詔師。極其詳盡。其矜不成人之意。有感即通。殆有不知其然而然者。記者意會斯旨。故描寫曲盡。

與師節。錢龍門道從聖人見。非從聖人出。見之未見。相師原自有

道。而夫子隱而忘之。見之方見。相師隨有是道。而夫子顯而設之。

困勉錄此節有三層意思。道無往而不在。人當無往而不盡道。

聖人則無往而非道。然口氣則只謂道無往而不在。相師則有相師之道。我但盡其道耳。若無往非道之意。則見于言外。按固

相師之道。與然字不分兩層。然是也。固相句。亦只是足上然字之意耳。

季氏章 翼註首節提起。下分三段。首一段何以伐為止。正言顓臾代之非。下二段相對一箇丹求歸過於主。而責其過之不可辭。一因丹有文過於已。而詳其憂之非所急。總見伐顓臾之非無非正。季氏之僭。而為扶公室計也。所重在昔者先王一節。伐顓臾事已斷盡了。下文特憂因丹有解釋。又再申其責之。意耳。姚承菴季氏伐顓臾。只是一箇欲字。欲便患。患病貧。無魯無先王。丹求以子孫之憂。又季氏之欲。夫子明大義以止其欲。直從欲字推究到他蕭牆之憂。見欲之必不可辭也。

季氏章 張彥陵將者謀已成而事未發也。人臣無將。則必誅。伐者征有罪之詞。此以伐書。猶曰季氏以彼為有罪而伐之耳。按

夫頌史節重先王句。邦域二句。根先王說來。主祭東蒙。則非後世
私訂在邦域。則非敵國外患。杜稷臣。則非季氏私屬。何以伐為言。
師出無名也。

夫子節。按欲字。猶今人言他要如此耳。與下文欲字指貧利言者。

不同。周仕二節。不重。當去。乃責其居位而不救正也。陳力二句。最

重扶持。是陳力處。專就言上說。陳力五句。皆周仕之言。二節不對。

一五說下。總見不可歸咎季氏意。又夫子欲之。是求自解。今

夫節。又為季氏解。實因以自解也。下一取字。飾上伐字。下二憂字。

并沒上欲字。隱然分解先王教句。

君子二節。按舍曰。猶云諱言也。一節一氣直下。決起欲之二字。已為

下患貧寡張本。丘也節。本先王之制來。提出均字。作主均以分言。

安以勢言。均字要見得國不下替。家不上陵意。安非安危之安。乃

彼。此。相。安。於。無。事。也。蓋。字。推。原。所。以。患。不。患。之。故。下。文。添。出。和。傾。
二。字。來。蓋。和。即。寓。于。均。安。故。併。及。之。傾。更。甚。于。貧。寡。故。寬。言。之。要。
之。國。家。本。無。貧。寡。特。因。患。而。見。貧。患。寡。

如。是。節。按。此。只。終。上。節。之。意。言。均。和。安。如。是。則。無。求。于。分。外。自。不。
至。利。人。之。有。故。遠。人。即。不。服。而。本。均。安。以。脩。禮。樂。法。度。之。文。德。以。
未。之。而。已。不。即。稱。兵。也。既。來。之。或。內。附。或。外。屬。以。安。之。而。已。不。利。
其。所。有。也。既。來。之。二。句。正。照。顧。史。蓋。顧。史。而。既。為。社。稷。臣。則。是。遠。
人。之。既。服。者。也。

今。由。節。按。顧。史。而。曰。遠。人。者。對。蕭。牆。而。言。則。邦。內。之。國。亦。遠。也。分。
崩。謂。四。分。公。室。離。析。謂。家。臣。離。叛。不。能。來。不。能。守。語。勢。雖。兩。平。者。
未。青。內。治。意。重。觀。下。註。只。承。不。均。和。可。見。蕭。牆。明。其。近。也。憂。在。蕭。
牆。變。生。肘。腋。正。所。謂。傾。也。

有道章 陳氏此章從有道而及無道。又思無道而及有道。全欲挽
今而反古意。按有道是脩齊治平之極致。權歸天子。只是有道
中之一事耳。蒙引云。只作世治世亂者不是。

有道節 按無道只說諸侯。下大夫陪臣俱自此接出。可見總是諸
侯之罪。而天子亦不得辭失敗之責。首節結處。當補一句云。如是
則庶人之議。不得不起矣。下二節口氣。言天下有道。則政且不在
諸侯。而大夫可知矣。又何論乎陪臣。上既無失政。則庶人咸遵道
從王耳。安得有私議乎。總是感慨世變而深致意于有道意。

祿之章 翼註此章論竊權之必失。惕權臣也。三桓之子孫微作已
然說。此時桓子已為家臣陽貨所執。孔子之書。正發于被囚時。但
作文不必明點。須暗說必有效尤而奪其柄意。故夫二字猶云耳
子也。

益者章 損益並陳見取反之當慎益有薰陶漸染日進而不自知意損有浸淫漸漬日退而不自知意直就言上論說諒就立心制行上說多聞就學問上說便辭便于辭是足恭善柔善于柔也是令色便佞便于佞也是巧言

三樂章 朱子君子於禮樂講明不置則存之熟是非不謬則守之正熟則內有以養其莊敬和樂之實正則外有以善其威儀節泰之文與夫道人善而悅慕勉強之意新多賢友而真諒多聞之士集樂是三者而不已焉雖欲不收其放心以進于善亦不可得矣按此三句當從樂字看出禮樂之節道人之善賢友之多來樂是於悅心之中有篤好之意驕樂者恃氣以凌物則不復循蹈規矩矣佚遊者怠惰而自失則不復志於為善矣宴樂者多欲以求安則不復望人之規正矣此其所以相反也

三愆章 按此與失人失言章一例看。但彼是見言當因人。此是見言當因時。三愆之失。亦只是平時無治心檢身之功。而臨事又無審己識時之智。所以及之如此。言未及之言。及之猶云時未可以言時。可以言云尔。兩言字俱屬待字。與未見顏色一例。言須于受言者之色相當。其間剛柔抑揚。真有不可預先打点者。于此不見則所言不至。必不能中肯。

三戒章 按三戒只是道心常為之主。而人心聽命。所謂以理制欲。以志帥氣也。血氣未定。有以正之。血氣方剛。有以和之。血氣既衰。有以振之。此君子所以檢束身心。變化氣質。而盛德大業皆從此出也。

三畏章 張彥陵吾心常惺。一念即是畏。君子小人。品格何等懸絕。而聖狂分界。正在敬肆之間。信乎此念不可一時不提醒。稍放

逸。使自墮落。吁可畏哉。按三戒是。遏欲三畏是。存理

三畏節

按天之命人也。即此知能易簡之撰。故其源愈遠。而其道

弥近。則不容以俄頃忽。而人之受命于天也。即在日用飲食之
常。故其理弥精。而其事彌顯。則不容以跬步越。君子審此至悉。
故栗此至嚴。大人聖言。就其中抽出最大者言之耳。大人兼德位
言。栗不倍之義。非止于懷刑存服膺之心。不專於誦誠畏之也。

莊忠甫叛聖言以自恣者。侮聖言之淺者也。借聖言以自飾者。

侮聖言之深者也。

生而章張彥陵云。夫子勉人為學之意。二次字。非言其相遠。乃言

其相近。大意謂生而知之。是上等學而知之者。即次之。困而學之
者。又次之。皆可與上同歸。惟不學而後成其為下。則人可以有自
誨于哉。困勉錄云。章即人之學。不學以為氣質之高下。能學即

是其氣質之高。不學即是其氣質之下。三之字俱指義理言。上字次字下字俱以氣質言。

九思章。按無思而無不通者。惟聖人下此而欲盡其通微之力。惟恃心之克殫其識。故思為聖功之本。君子之九思。在于動而未形之初。則知幾之哲也。思之於有感將應之際。則慎動之功也。思之於于隨事省察之時。則思不出位之學也。由思誠之力。以復其何思何慮之天。則寂然不動。感而遂通者。可致焉。故思曰睿。作聖也。又感物而動。視聽為先。故首以思明。思聰明聰則無知誘物化之慮。乃從而持養于容貌之間。故思溫。思恭。次之溫恭。則有涵養純粹之義。乃從而致謹于樞机之際。故思忠。思敬。次之言行謹矣。然尤悔之萌。其端實萬必析疑去蔽而後義可得。而精即審問之後。自明而誠。而尤必懲忿塞慾而後德可得。至故思忿思難。

思義又次之。

見善章 按此見人品不以潔身為高而以經世為大。以見引起未見抑揚重下節善不善只就自家所欲為之善欲去之惡言。志與道合一的志道二字甚大不沾。為功名也。看孟子廣土衆民章其蘊自見。

見善節 因勉錄兩見字補出真知意方見兩如字直遂無疑之妙即誠生于明也。此等處人多畧過。仇糖桂好惡只在自己身上着加尚未透出萬物一体源頭其真求志達道只如輩人作根基此節亦得首輕。

隱居節 按當其隱則道蘊而為志當其行則志顯而為道念隱居時學之淺深即以分異時治術之純疵故求之不容不加而求志時吾所得于聖賢者如斯則行義時取之懷抱間而甚易而達之

何容稍恥下一也。字有慨慕願見意。

齊景章 仇鎗柱死之日。到于今正相對。一則隨死而後。一則千載

如生。誰榮誰辱。當令人搔首。

陳亢章 按聖教大公。陳亢始疑有心私其子。終疑有心薄其子。捉

是私意。蓋自其非義者而論。不特所聞止詩禮而非異。即所聞進
於詩禮。有如顏曾之所聞者。必是因其有學之所近。而仍非異。自
其非遠者而論。不特聞詩聞禮而非遠。即併無詩禮之訓。亦必因
其資學所未近。而仍不得謂之遠。

陳亢節 按嘗独二節。只開一叙。去言外摹無異光景。若講煞無異

聞。便索然無味。入有意遠其子。則不能無意于其子。失遠與異
同一私心也。陳亢到底不曾明白。

邦君章 此章南軒以正嫡妻之分言蒙引謂未見得是者來有兩
意一是儼婢妾不得上儼一是儼夫人不得下替換見在邦君身
上邦君不得輕夫人而使有白華之怨亦不得繼夫人而使有北
鷄之晨 按王文恪以邦君之妻四字為綱下以君之稱與夫人
自稱作對謂其稱于宮中者以下分稱于本國與夫人自稱于異
邦及異邦人稱分三段看其文起處云邦君之妻所以聽一國之
內治掌斯民之陰教風化存焉者也其稱名之法且何如哉結云
此皆緣情而定因理而起者也此最差而整飭

陽貨

陽貨章 按通章大旨。只孔子不見一句已盡。蓋可以時亡。可以塗

遇。自可以互相問答。孔子自是孔子。陽貨自是陽貨。即謂陽貨未嘗見孔子。可即謂孔子始終不見亦可。

陽貨節 存疑註歛其相稱。非謂彼以瞰來。此以瞰往。為相稱也。蓋

不往則失己之禮。往則墮彼之計。瞰亡而往。故於事為稱。

謂孔章 蒙引貨兩問俱眷夫子身上。夫子兩答不認在自家身上。

只閑評論 翼註日月二句當速仕。孔子不曰即仕。不曰即仕。

而曰將仕。將字甚活。即我待賈之意。貨不能復置一詞矣。呂晚村似解若不解。似許若不許。隨問隨答。神味雪淡中見光明正大。

不惡而嚴之妙。

性相章 呂晚村是從相遠之後。逆推其故而論之。如堯舜之與桀。

紂其性亦未嘗不相近也。但習則相遠耳。相遠之人性仍相近。即此便是孟子言性善張本。陳氏性者心中所稟受之理也。總說性字則已寓于氣質中矣。非氣質則性安所寓乎。性善以天地之性言。非天地之性。懸空不着。氣質而自為一物也。就氣質中指出天地本然賦予之理。不離乎氣質者言之耳。然天地之性雖不離乎氣質。亦不離乎氣質。孟子之言性善。指其雜乎氣質者言之也。孔子之言性相近。以其不離乎氣質者言之也。乃是兼言氣質之性也。兼云者言本然之性。天帶言氣質之性也。朱子有云。孔子以離雜乎氣質言之。雜即兼也。

惟上章 按此又從相近中。抽出二種不移來。雖說不移意全重在

可移上言惟上智不移則未及乎上智者可危惟下愚不移則不至如下愚者可勉按下愚存疑謂本文是說不可移程子是言不肯移故置圈外要其不肯移者亦由氣質昏庸之甚故也唯其不肯移故終不可移耳愚謂二說可通

子之章按此章總見治必以道意前半截喜其能行是道後半截嘉其能信是道在莞尔而笑分嘉子將又以勉二三子也此意而載俱有

子之章按註禮樂不專弦歌絃歌特禮樂中之一事聞聲而喜者子之心其詞若有訛焉者子特反言以觀其自信何如耳不是空空戲言

昔者節兩按子游口氣只云牛刀之喻是偃今日聞之夫子者也若以昔之所聞而思夫子固明以學道望之君子小人而愛人易

使皆由學道得之學道固如是其隨在可用也此節只要見于游
焉信之意耳若多作証辨殊非面有神理且于游能用夫子昔日
之言何緣不解夫子今日之意須知子游之对与夫子之答只一个
鼻孔出氣末一節不過為二三子說法耳故註云解門人之惑則
于游胸中原不介之于牛刀之說而是偃兵前言之戲亦並不為
子游特地分疏也

公山章 按行道為夫子素心間台欲往夫子胸中別有寄懷如有
用我句直將往不往付之不論公山自居夫子自思東周神情寄
托甚遠

公山三 按何必公山氏之言叛臣不足行吾道意非泥己之謂
也如有用我句即貼公山說亦不妨吾為東周非欲使魯為天子
也使文武之道得行之魯便是東周即魯一變至于道意

子張章 按子張病痛只是務外。夫子因病立方。故教以五者之能
行五者。存心之功。求理之事。不得認五者為心與理。五者從仁而
出。此以成功時言。仁從五者而出。此以用功時言。此處正論用功
則是仁從五者出也。此句能行字固重。而於天下三字正是鞭辟
子張歎其處。勸勉也。正宜着眼。五則子正示以能行五者。于天
下之是言。必到這地位。方謂之能行。所謂以致自考也。又仁者
心與理一之謂。五者是存心之功。求理之事。於天下是言存心之
功至密而求理之事至精。

佛肘章 按子路以公山之名恐其無益。夫子謂我固隨在而有功。
佛肘之名恐其荒已。夫子謂我固無往而可究。髡髻緊跟。不磷
不緇。來不磷不緇而不往便是髡髻。若來能不磷不緇而不往則
亦未為髡髻也。

佛胎節三。朱子不善不入。以其能況人也。往也。如之何。恐其被況也。

按然者。是然其不可往之言。有是言。是指不善不入之言。不曰聖
乎。四句時解動云。知有一說。不知其又有一說。是自案自翻也。聖
人必無此游移鶻突語。須知不入二字。看得深細。知其能磨泯我
也。而去之。是不入也。試之磨泯而不磷不緇。是入而不入也。不曰
二字。不是轉語。乃是為子路申言不入之旨也。

由也章。按此見人不可不好學。以成其德意。蔽如目前有正經大
路。當面被物蔽了。却走旁道去。

田也節。按言字內。就含有美意。方對得蔽字。然不曰六美。而曰六
言者。有蔽尚未為美也。居字。非徒因起對而命之。緣他粗率少精
細。要他靜坐潛思。間所未聞也。

好仁節。困勉錄云。力行愛人。俱屬仁說。愚者註中。若可陷可罔之。

類明指發一邊。非兼指心之德言也。翼註學凡考之師友求之
方冊皆是。註云好學以明其理。明字對蔽字說。然所謂明其理者
如好仁人好學。則認得仁真了。便是明仁之理。非仁外又有理也。
餘做七作文用真字作骨最好。又愚是昧理徇物。落是窮高極
遠。就是執自家小信。不顧他人利害。故是急迫而犯人情。勇就作
為果敢上說。亂者越理犯分。剛就本体堅強上說。狂者率意無忌。
如要言即言。要行即行。不沉靜也。

小子章 按此脩言學詩之益。以見詩之不可不學也。興觀是詩之
有益于身心。羣怨是詩之有益于性情。近之三句是詩之有益于
倫物。句句要跟學來。

小子節三 按學字是體驗工夫。要深。有非口誦之謂。興則有以感發
其志意。而為善不懈。觀則有以考鑑其得失。而于理無惑。詩于性

情尤切。所謂發乎情。止乎義理。一言最得其要。發乎情。故有群有怨。止乎義理。故不流不怒。

過之章。因勉錄玩其文法。上面說四可以。即接以迓之。遠之云者。則知事父事君。領上四可以來。正是興觀群怨之實際處。呂晚村二句。就倫理中舉其大者而言。迓遠二字。包括甚富。事父君非期于詩。不盡于事父君。亦不必執詩之事。父君者。而學詩自足以事父君。按多識句。若仍以爲興觀群怨之資。則此語爲最贅。蓋此格物內一件事。天下鳥獸草木。盡盡格之。必無是理。而詩之所引。則皆耳目之所及。不可不知者。

伯魚章。呂晚村正牆面。指至迓之地。一物不見。遂至一步難行。故二南之當爲從切近道理說。不用恢張宏濶。按此爲字。与上章學字俱有。身体力行。引伸觸類之妙意。姚元素凡人所能行處。

全。是。人。情。物。理。上。通。透。此。處。不。通。透。雖。家。庭。間。尚。多。窒。碍。註。不。可。行。根。無。所。見。來。不。平。

禮云章 按敬在鐘鼓玉帛之光。亦在鐘鼓玉帛之內。但玩兩云字。及于哉。口氣亦非竟抹煞鐘鼓玉帛。只是引而不發。要人尋思而自得之。

邑厲章 按此章為飾貌者做。邑厲有確然有孚。毅然有為意。內莊是甘于利而昧于害也。

鄉原章 翼註德指正理言。如忠信廉潔是也。似忠信。亂了真忠信。似廉潔。亂了真廉潔。把真正的德。都被他混淆了。豈不是賊。勿作自賊。人看只重賊理。又須知鄉原之原。非真原。中行章註。謹厚之士。乃指真原而言。真原猶不可進于道。况鄉原乎。

道聽章 獨德由聞見入。要在潛心体。既以蓄之。方為吾有。入耳而。

出口究竟于身心何益蓋其所急欲收者博聞敏捷之譽而不知收其名者喪其寔其所急欲炫者才辨議論之華而不知外愈逞者中愈涸

鄙夫章 呂晚村國家當覆亡之運不必生奇奸大惡但所用無非

鄙夫便足令神州陸沉生民塗炭一時為君子者受其牢籠或取其幹才或信其小節或因依門弟世講遂不惜為之援引此輩得志但知為身家祿位未嘗一念及于君國天下也只看一个興字便具千古朋黨傳論在內 按鄙夫天下足責：正在與之共事者故賢者當辨鄙夫于早

古者章 按此章是嘆氣習非謝氣質與氣數三項是鄉原之變局民字只泛作人字解 困勉錄群之為蕩蕩之為忿戾是已甚意直之為訥是相反意曰肆曰蕩曰直則成其為古之狂狷愚曰蕩

曰。忿。疾。曰。詐。則。成。其。為。今。之。狂。矜。愚。非。狂。矜。愚。之。亡。乃。古。之。狂。矜。愚。亡。也。

古者節。蒙引。狂。矜。愚。是。疾。之。名。群。黨。直。是。疾。之。寔。蕩。詐。忿。疾。是。疾。之。流。弊。有。此。流。弊。雖。就。今。人。名。為。狂。矜。愚。而。寔。則。已。非。故。曰。或。是。之。亡。按。肆。蕩。註。已。明。黨。是。黨。介。黨。之。黨。寧。方。無。圓。寧。固。無。通。露。圭。角。立。崖。岸。故。曰。黨。只。是。守。已。忿。疾。則。與。人。爭。如。執。已。之。是。較。人。之。非。意。直。屬。行。事。上。說。愚。者。見。理。不。明。但。據。所。見。一。直。行。去。全。無。委。曲。故。曰。徑。行。自。遂。詐。則。又。不。甘。于。愚。強。作。机。械。以。自。遂。其。私。故。曰。俠。私。妄。作。

愚。繁。章。按。此。以。上。二。句。引。起。下。二。句。緊。必。奪。朱。鄭。必。乱。雅。不。必。待。相。克。倒。置。而。後。愚。也。利。口。即。不。覆。邦。家。亦。可。存。乎。胡。氏。佞。詞。辯。給。利。口。訓。捷。給。捷。則。顛。倒。是。非。于。片。言。之。頃。令。人。不。暇。致。詳。視。佞。

尤甚故覆甚于殆

子欲章 按此章要人于躬行處。體認道理。不必專求之言語之內。末節不是為自己分疏。正指妙理與彼有。註中莫非天理流行發見之實。一字最要體味。時行物生。則其所以行者。即于行生上。早已實了的。顯露更何待言。

子欲節 朱子此句從聖人前後際斷言語不着處。不知不覺地流出來。只是不消說得盡。已都撇出來了。若是言不能盡。便是有未盡處。聖人言處也。盡做處也。盡動容周旋。無不盡。所以不消說得。天何哉節 按此節只是表明道無不在。不消說得。不是表明已之無不發也。困勉錄曰。天之行四時。則仍重在所以行處。而四時之行不足見天矣。曰四時行焉。則即重在四時之行。而其所以行處。即見于此矣。按即其行生處。天之理已至著至顯。如面相語。不

從隔壁聽得。仇滄柱時行物生。正見大道無往而不着人。當隨
處加察。中庸鳶飛魚躍。說得活潑。地即是此意。呂晚村禪家
指點。只要觸處識得此心。聖人舉示正見。隨在是此實理。正要學
者。就如此體認至理。不是聖人以天自況也。

孺悲章。按聖人于不屑教誨中。曲行其教誨意。欲見是悔悟之機。
子以辭疾絕之。正迎机敵動之妙。取瑟而歌。是教之也。將命者是
夫子遣人。

宰我章。因勉錄此章。提出仁字最重。指不忍之良心說。凡人心不
安處。即是仁字。與安字正相應。夫子提醒宰我處。只在于女安
于四字上。

宰我節三。朱子禮樂無所不在。喪固有喪之禮。唯祭無用于喪。然當
喪而不祭。是乃祭之所以為祭也。若當喪而玉帛陳焉。鐘鼓作焉。

則其壞禮而崩樂也甚矣。此其言之失。有不待言焉。故夫子不答而直以不忍之端告之。按崩壞只是生疎意。凡木皆有燧、者火之所在也。鑽燧謂鑽取那燧以改其火。故註云取木之木。非取火于木也。說改火便兼四時。

食天節

存疑。食稻衣錦是指期年外說。蓋宰我既說期可則期年

之內已知不可食稻衣錦矣。

按西女安字最重。而則為之頗輕。

全要激發他使不自安耳。不為與為之俱指食稻衣錦說。只首句是絕之之詞。夫君子以下又提起說。註所謂發其不忍之端而徹其不察也。

予之章

按君子之於親。每事惟恐其不足。故衣蔬食禡雖明知無

益於親。而為此無可奈何之計。聊以自盡其心耳。今乃計時論序為之斟酌其中。將此安心放頓何處耶。此心既失。又豈復有禮樂

耶。故。夫。子。不。暇。闢。其。礼。崩。樂。壞。之。說。亦。不。與。細。論。三。年。期。月。之。是。非。只。反。覆。就。他。不。能。自。安。處。挑。責。之。到。末。後。方。點。出。子。生。三。年。一。語。以。見。先。王。制。喪。初。意。使。宰。我。聞。之。惻。然。不。寧。恹。然。欲。淚。當。有。自。覺。其。本。心。難。遏。者。本。心。之。外。何。禮。可。論。何。樂。可。談。崩。壞。之。論。不。攻。自。破。矣。此。聖。人。之。善。于。以。仁。牖。人。也。

飽食章 按所用心。指學術事業之類。終日云者。猶緩其詞云。尔心雖一息不用。不可恍然日子。末句只帶言。難矣哉者。危之也。惜之也。實做之也。

尚勇章 按此是君子以理制氣之學。勇与義俱就作事時說。義以為尚。除却了勇。說不必說。勇合于義為尚。只專說義。合義則勇亦在其中。上而君子以德言。為亂以逆理言。為盜以肆欲言。皆從無義以制之來。

有惡章 按夫子所惡者。敗常亂俗之人。子貢所惡者。欺世盜名之人。聖賢皆有維世深心。上節亦有承愛字。說來下節亦有則是。对君子說也。

有惡節 按訕上與稱人惡。俱兼有過無過說。勇屬血氣。果敢屬氣質。果敢而窒。是不度理勢。自己心上窒塞不通。不是行去見窒。然行亦是不通。

賜也節 按傲非知。不遜非勇。許非直。此三等人。却認煞是自家好處。有僞托者。亦有不僞托者。上是惡其悖德。下是惡其亂德。聖賢之惡。總合着天下人之公惡。

難養章 按此論御臣妾之難。在御之有道。盖女子小人。多忽之而不知其難。故夫子提出示人。欲人思所以善養之道。非謂難而諉之。無可奈何也。養之本。在脩身。不在用情。近之二句。合着方見其

難。莊以莊之。則礼有以消其不遜之心。慈以蓄之。則仁有以弭其易怨之意。

四十章 按此章一則對未四十者言。不可不勉。一則對既四十者言。不可不惧。見惡則不止于無聞笑。

微子章 按此是夫子原心之論。或去或奴或死。總是一耐心腸。各分頭去做。為感悟獨夫。以存宗祀地。故夫子稱其仁。指愛之理。言三子愛君愛國。不拂乎愛之理。便全其心之德矣。二句不平。

微子_二節 按書云。吾家耄遜于荒。則微子之去。只是遜于荒野。為感悟君心地。非便是歸周。托罷歸周。是克商後事。奴猶云囚犯也。是紂囚箕子。以為奴。為之二字。則屬箕子身上。至誠作無私者。惻怛作當理者。曰仁。則忠與義不足以明之。以其非徒慷慨激烈。自表暴而已者。

柳下章 翼註言人情好枉而惡直。道則難處去無益。若枉道則

又不必去。須抑揚者。上重下輕。方見必不肯枉道之意。

齊景章 柳疑齊之陳氏。即魯之季氏也。以季孟之間待之。即是陳

氏之下。諸卿大夫之上矣。尚為薄乎。記者載此。正見齊待孔子如此之厚。而只為一言不用遂行。可見孔子只要行道。全不顧祿位。

齊人章 呂晚村女樂歸定公。則受之者定公也。而特書季桓子。孔子之得政也。以桓子其去也。亦以桓子。魯之不足以有為。桓子之不足以有為也。

楚狂章 按鳳正所以尊夫子也。非時而見。故為德衰而用一何乎。則有不且衰意。故下遂以來者可追諷之。已之一字。正見是可追處。從政者殆而。則今語拖說此節意。聯而語散。乃歌體。按孔子未與之言。何從知其欲與之言。此從孔子之下車知之。趙辟以示

不欲聞之意也。

長沮章 按此見聖人以道易天下之心。重一易字。雖與易不與易兩相呼應。

長沮章三 呂晚村稱一是字。換却魯之孔丘。是耳。中極熟。心中極厭。

者下桀溺之言。則知長沮猶是也。但沮明知孔子規之無益。故下此截斷衆流句。是他極妙机鋒。若徒作兀傲語。失其旨矣。翼註。滔以下一訖。夫子濟世之唯一訖。子路所從之非要之訖。子路正以譏孔子也。

行告節 按斯人二字。兼君民言。天下無處非人。無處非吾所與之人。即歆避之而不得。與字自情之閑切言。此正與避人二句相反。天下二句。反滔二句。是見易之不可已。上三與字。作相與之與。看下一與字。作用字看。

丈人章 按上章見聖人救世之仁。此章見聖賢出處之義。全重在仕無義句。

丈人節三 按丈人之言。其意是責子路不務農耳。其待子路無非倨侮之狀。見子路拱立而止。宿殷勤。抑又恭敬之甚。是欲動子路而不知。隱然已為子路所動也。若謂其以田間况味。挑動子路之心。失之遠矣。

明日節二 張彥陵不仕句提起。下皆發明此句意。長幼之節五句。就丈人身上說。是責忘世之非。君子之仕四句。就君子身上說。是明其用世之志。通節重一義字。按長幼之節句。緊根見二子來。君子之仕。指欲仕之心言。不拘定在朝。如憐二子世而不肯已。便是行義。原總去就說。但此对丈人言。則重在就一邊。行義与行道不同。行道在君。必待遇而後行。義在我。無論遇不遇。皆當行的。

故。道。行。則。義。親。見。于。吾。身。固。行。義。之。事。也。道。不。行。則。義。昭。揚。于。天。下。亦。行。義。之。心。也。

逸民章 姚承素天地閒賢人隱是固然矣。不曰天之生斯民也。使之閒太平。不使之自遺逸而已乎。教子之逸。雖曰為世所遺。然不無自遺逸之意。一有此意。胸中便有可不可。非天民大人矣。故記者冠以逸民二字。逸民有心避世。聖人無意終藏。故詳列逸民。而以己終之。見懷。不忘用世意。

逸民節 按不曰隱者。而曰逸民。見其各出手。晚自成。一持世分量。其逸皆有關于世風。與絕人逃世者迥別。

不降節 按不降不辱。提是一事。志以立心。言身以制行。言先下評語。鮮指出兩人想見。一時神往。慨慕無窮意。

析下節 按倫是義理之次第。則慮亦人之正思慮也。人之公心。即

義理所在。故曰中慮。其斯句。應上降辱。凡世之降志辱身者。一向
潦倒。不知名節道理為何物。二子雖降辱。而言行必依名節道理。
中倫中憲。是尚志潔身之派也。所稱逸民。其在此乎。而已矣。見二
子無別行外此。不足以見二子也。

寅仲章

按隱居是以隱為高也。放猶置也。謂胸中所欲言者。如置

不發。如不復言世務意。非猖狂自恣之外。謂註獨善自廢。乃自隱
居。放言中推出他意思如此。不是隱居就是獨善。放言就是自廢。
也。清權二字。講得要。有分寸。在他逸處。舉躬便是中清中權。只
是合得二者。內一端。不可謂全是清權。又道雖以致用為貴。然
然時不可出。亦有獨善其身。特立于污濁之世。而合乎道之清者。
道雖以正言為常。亦有經不可守。而絕口不談世務。亦不失用晦
之宜。而合乎道之清者。故上節就中倫中憲上見。雖降辱而非污。

下節即中清中權上見。雖隱居放言而非誕。困勉錄隱居放言與不降不辱同。但不降不辱則風節外露而隱居放言則光芒盡歟。笑于前必清而剛清而柔分之甚明。

我則節困勉錄不可以跡言。道則必從其可。惟以道為可則是無可無不可也。按此節只是聖人自有獨見處。不可說壞逸民。

太師章茅鹿門。魯自王桓以來。國之不競久矣。聲音之道與政通。則魯之樂其政散其民流。所謂君臣相陵。國非其國矣。向也樂官不察。猶宴然安于其位而不知去。及夫子反魯之餘而雅頌已正。國審其音。魯之寢微影。笑與樂者寧能一朝居乎。

周公章按開國之初。子孫觀法所係。周公之訓誡如此。是何等忠厚氣象。人或狃于尊親哀之說。歸咎于貽謀之過。不知皆其子孫。

不能世守典型之故。記者于魯事。曰非賢人散亡之後。特誌此一節。以見魯惠非貽謀之過。以是專其權。久其任意。故曰即賢親之世好者。無求備。是用其長而舍其短也。絕非罷使之意。

周有章。按魯為文之昭。國初忠厚。若彼。連後賢人隱淪。正士放逸。一至于此。故慨想當年人材之盛。以見今之不可復得。着眼在周有二字。上周室人才不至于此。則萃于一家者。尤見其為盛矣。士見章。翼註此章見士當立其大節。可是大節不虧意。已是語助詞。不作止字看。按思義思敬思哀。不是臨事思索。一當此事心即于此向往也。致命。使不言思。以思固不待言也。

執德章。按執德在体道有得上者。信道在尊聞上者。弘篤猶和毅相似。縱有片善。便自矜。見人之善。必不喜。人告以過。亦不受。不篤是心上自疑。初既見得少間。又被人搖惑。或移于是。非利害皆是。此雖托身道德之林。寔于身心無所體驗。非大受之器。真寔之品。

故曰不足為重輕

門人章 按夫子過犹不及之論。却是此節論交。所案于張容字矜字。是破于夏一拒字。如之何之義有三。受拒不暇。何夏暇拒人一也。人自遠哉。無勞哉拒二也。即令拒人反幸哉之拒。謂與不賢者遠三也。朱子初學大畧當如子夏之言。然於其不可者。但亦踈之而已。拒之則害交際之道。成人大畧當如子張之說。然于有大故者。亦不得不絕也。以此處之。其庶幾乎。

小道章 呂晚村不為是。君子自己。不為非絕之。使人皆不為也。故朱子謂小道皆用於世。而不可無者。其始固皆聖人所作。各有。一事一物之理。為是以必有可觀。若將小道盡情抹煞。是說做邪道左道。非小道也。按遠指天下國家言。君子不為要務。專心致志于大道意。

日知章 按此就日知無上見他精神念慮無傾刻不在學所謂須
更不可離者。曾子一息尚存。此志不容少懈。便是這箇工夫。所亡
所能俱兼。知行言知字對無忘說。非知行之知。日月二字亦要活
首。

博學章 按知是此心之明。仁是心之純。熟處通理合一。故致知而

仁在其中。未及力行而為仁。但謂工夫尚少一半耳。非謂致知屬
外。而仁向內也。博學是編習乎詩書禮樂多識乎前言往行也。就
所學而志為趨向。望慕之專。而積靈疑思之至。是為篤。就所學而
問為所講明者。無益之事。而辨析者。皆至要之言。是為切。且就所
所學者而思為內省。於精神心術之微。而實驗于人倫日用之際。
是為近。如此則所學無務外徇人之病。為己以求心得。則真知即
可實踐。窮理即可盡性。故曰仁在其中。此節子夏之意。要人從實

學以和仁也。

百工章 按註有二說。還以前說為正。學字全要發矜。不分意。方与
居肆意对。致有二意。道有不能自致者。用勇往精進之學。以致之。
道有不容強致者。用涵泳從容之學。以致之。

小人章 按必字。是小人自欺之心。緣憚改而文飾。緣文飾而憚改。
二意微別。寔相發明。

三變章 羅近溪君子一心脩中和之理。其容貌詞氣之常。皆自心
體流出。自觀者見他各中其節。故言變。其實君子只是不失其常。

呂晚村聖人豈常有變哉。然必如此剖析者。未方活画出聖人
一箇全相。溫字即從儼字中想出。厲字即從溫字中想出。

信而章 饒氏本文信字。指人信我。說註誠意惻怛是君民所以信
之。由惻怛為愛。大抵君民間皆當以愛為主。續因勉錄信非

在旁所能合作。在旁所作合者。以一人之言見信。亦可以一人之言見疑。此韓非所以死于說難。君子不出也。信非空言所能感動也。空言感動者。有時因言而得信。亦有時因言而得疑。此眉山所以終于擯斥。君子不出也。張氏信非以屬謗。而設只為忠愛之念。須來使君民共信。方得行其志耳。此中關係君德民義者不小。

大德章 按此為人務小節而忽大体者言。非謂小德竟可出入。只要形容大德之必不可踰耳。然言已不能無弊。

子游章 按此見教必因材。意子游見本末不可偏廢。子夏見始終不可或紊。家引大學小學可以分先後。不可以分本末。子夏以始耳二字替本末。識見高于子游。首節註仍用本末。亦援子游之意解耳。

子游節 困勉錄子游只說子夏門人有末無本。不知其意要本末。

之並進乎。抑先本而後末乎。抑務其本而末自舉乎。抑務其本而末可棄乎。看來四意俱有。本末並進。是其主意。後三意。是其旁意。後三意。總是重本輕末之意。蓋既謂之末。便有輕之、意了。子夏之言。与程子第一條。是破其本末並進之意。程註後四條。是破其重本輕末之意。是發于夏所未發。故雲峯專以後條為矯子游之偏。須知第一條。亦是矯子游之矯。但是子夏所已發耳。

于夏節

按兩君子之道。言君子教人之道也。而孰字。即指本末言。

君子教人之道。孰是末之粗淺者為先。而傳焉。孰是本之精微者為後。而傳焉。此二句。是言洒掃應對中。原寓精義。入神之理。以乃破于游分本末之非。下四句。照註用但字轉下。學者之天資學力。不特幼學之時。未能即事於深造。即及夫成人之日。亦各有不至。而不容以強而同。如草木之限于區。而材有遠迥。之有別焉。是以

君子之道。所以有先有後。而不容誣也。末二句。見先後一貫之難。指出聖人正與門人小子對看。重惟字。

仕而章

按晚村云。當時原有仕而不學。而不仕兩種人。子夏此

論。為救正而發。則知上句見仕。宜進德。意下句見學。宜及物。意兩

優字。要看得好。上優字。不必至功建名立而後為優也。即朝考其

職。夕序其業之後。或有可用之一時。則亦優也。則亦可以學也。下

優字。不必至明体達用而後為優也。即自度其才德。或可為士。以

事人。為或可為大夫。以長人也。為則亦優也。則亦可以仕也。如此

看兩句。省却多少周折。

喪致章

蒙引子游蓋亦激于當時之節文習熟。而哀戚之不足者。

而合。合問孝章觀之。如子游之事親。養有餘而敬不足。子游之喪

親。哀有餘而禮不足。皆足以見其任情自遂。而脫畧細微。

吾友章 李毅侯兩章雖只一意。但曾子之詞直。子游之詞婉。為能
正是未仁處。看然而二字。則諷休也。存疑是心之德。惻怛是愛
之理。少誠實。虛偽也。少惻怛寡情也。

堂堂章 按上章見仁要求之至。近此章見仁要脩其在內堂。不
是贅詞。只堂。便難與並為仁二句。一氣說。存疑人必近裏着
己方老實下工夫去為仁。若務外自高。于己無體認密察之功。而
人難輔復之仁。于人無切慙觀感之助。而彼難輔人之仁。

吾聞章 按此當重致字。不重自字。自致自然。而盡其情也。而當然
意。只于言外見之。予字有感動人意思。

莊子章 朱子獻子歷相三君五十年。魯人謂之社稷臣。則其臣必
賢。政必善。莊子年少嗣立。又與季孫宿同朝。宿父文子忠于公室。
宿不能守而改之。莊子乃獨能不改父之臣。與父之政。而終身為

是曾子之所謂難也。若不善而不能改。則是成其父之惡耳。烏得為孝。按難能。在不忍忘親上見。

孟氏章。按通節重哀矜二字。民散。是不親不遜。意非散之四方。情是犯罪之情。所謂罪狀是也。非迫于不得已。陷于不自知之情也。哀矜勿喜。繫根上。失道來固是。憫民之言。兼有罪己之意。通節須

切士師說。

紂之章。按惡居下流。不是惡人。乃自家警戒之詞。

君子章。呂晚村以交食比君子之過。極精。日月自行常度。本無差失。但所遇入交度而為食。不得不然耳。所謂更。亦食過即沒圓。非更改其本体行度也。君子之過。其本体光明無疵。亦如日月。但為所遇時勢之難。或有不合常度者。然不自諱。故人皆見之。及其更也。中權道合于心。体亦非有悔厲沒易也。故人皆仰之。

仲尼章 呂晚村此章文武之道四字。猶云國朝典故名耳。物耳。全要低者。公孫問仲尼何師而為仲尼。子貢謂仲尼無須師。無可師。列聖大道。天縱之所固有也。若仲尼要由師而得者。除非是典故名物之類。如文武之道。亦須問人。然則人、可為仲尼師。究竟何常師之有。

賢于章 呂晚村播之高卑。只以喻難見易見。非比較聖賢分量也。美富與室家之好。都在宮裡。分別不開播事。惟其宮有不同。故播有高卑之異。按數仞及肩。以造位高卑言。室家美富。以蘊藉淺深言。美是先輝意。富是充寔意。

毀仲尼 按仲尼不可毀也。此句兼無損于仲尼。有損于己意說。他人亦不可低者。如伯夷伊尹之類。皆是就可踰。無得而踰。就賢者與仲尼說。不帶在丘陵日月上說。其何傷于日月乎。此日月就作

仲尼字面

子為章 按通章只重夫子之不可及上其得邦家等語不過就中
抽出曰子禽識見淺故指功業之可見者以示之不可以德與業
作兩平音

子為節 周石黃子貢說天不在形體之高巍蓋天原是一個大虛
之氣無安梯處故不可升夫子之德妙入無形渾然無迹所以如
天之不可階而升不可階三字可玩 按為恭指數份日月之說
知不知就品別人物上見一言二字最重慎字正根一字來不可
及拈生知安行講正有根據

邦家節 仇澹桂此從事功上見聖化同天意觀如之何其可及與
上文不可及緊相呼應便知是申明上節非分言德業也 按立
之斯立言上方鞠謀下已樂生也指養言道之斯行謂董戒不勞

人已共率也。指教言綏是立之。固綏之。斯來。言人思豫。附版圖日。廓也。動是道之。深動之。斯和言。黎民於變。兵革不試也。其生也二。句亦只就上四句見得。所謂二字。總貫六句。此二字最宜着眼。先曰章存疑中。即是理帝王。總合乎天理之當然。不必節。把堯舜之中來做骨子。

堯曰節。張彥陵。曆數在躬。有授大遺。艱意中字在。政事上。看執與守不同。守字死然。執者隨時隨物而執。其中也不徒曰執。而曰允執。蓋必隨時處中。圓融不滯。方是信能允執。四海困窮。二句不過反言以足上意。以見中之不可不執也。

舜亦節。按舜命以執中為主。雖加惟危。惟微。勿詢勿庸之詞。總之發明此旨。蓋中外無道也。

予小節。徐敬弦此節。總是既伐桀而告諸侯之詞。簡在帝心以上。

則曰述其初請命之詞于天而代桀之詞也予小子履六句見上帝命討之嚴而脫然無利天下之心朕躬四句是在已寄託之重而凜然有任天下之懷按朕躬罪以施為過舉言萬方罪以不能遷善改過言簡在句双承上二句來

周有節張彥陵大脊五節記者零星收拾湊成武王一改事字或舉其詞或述其事句：要見反商之政按此節在方伐紂後大脊二句只一意謂大脊之所當者皆善人也

雖有節按此節又在方伐紂時據蔡傳言百姓皆咎我不伐紂故下文曰今朕必往乃一時之言

謹權節三淺說謹權量三節根百姓有過在于一人來總是武王以

天下為己責之實翼註此与下節以行政得民乎对上節紀綱嚴肅森然一統規模下節思澤浩大藹然太和氣象按謹權量

合在官在民言。法度是礼樂刑政。審其因革損益之宜。廢官兼非人則去。缺人則補。言四方政行。言四方之政次第舉行也。不作效說興滅。是已滅者復之也。繼絕。是無後者續之也。述民大率皆封所放廢者。不止商容箕子。上節是仁之盡。下節是仁之盡。所重節見太平之後。礼教興焉。可想見休息氣象。食喪祭最切民生日用。故以民字提之。

寬則節。按四者是言治法。非心法也。只重各句上一字。不重得衆等效。寬信敏公。不必以中字貫要句。見得厯聖同然意。

尊五章。翼註夫子告顏淵。示以法戒。告子張問政。兼言美惡。蓋惟戒而後法。盡善惟屏而後尊。無疵也。按五美。做人心上運用五惡。從人心上恣肆。

尊五節。按五美下一尊字。奉若神明。著蔡必欲出乎身四惡下一

屏字視若茶毒蛇蝎。不使加乎民。惠而五句。只舉其目言之。且虛說。君子二字貫下句。要點美字。美全在五個不字上見。惠勞是施於人者。欲泰威是存于己者。

何謂節

按因字及利之字。正見君子經畧處。四疇樹畜。士女蒸嘗。

是王政之利。絕大本領。此段重因字。勞一段重擇字。欲仁字。兼內外說。仁者心之德。欲仁則保合其心之德。是出政之本也。仁者愛之理。欲仁則推廣是其愛之理。是行政之實也。摘訓君子泰而不驕。是相近之意。此章泰而不驕。是泰易至于驕意。惟其泰出于敬。則雖易至于驕。而亦不驕矣。此泰之所以為美也。按正與尊。須本心之恂慤出現。不在外面矯強。儼然屬君子。不屬人威而不猛。只從上兩其字來。

四惡節

按上三項是急迫之惡。下一項是怠緩之惡。不教而殺。

之。雖當亦謂之。當出納者。出于我而納于彼。正言與也。有司之各
是本職。若出自自為政者。便是急了。

不知章。按此章以三平者為正。知命則在哉者。有定見。知禮則在
我者。有定守。知言則在人者。無適情。又此章主。體在知字。知者
聖學之始事也。不應以君子作實。

知命節。按命指氣數言。即所謂言出禍福也。知命即有。居易以俟
意。亦非全諉之氣數。惟知命乃可以為君子者。蓋趨避之念銷。斯
進脩之志決也。呂晚村。雖知窮達有命。則凡事到面前。便自己
有箇把捉。必不妄為机巧趨避。乃可以為君子。

知禮節。按禮。擇外誘亦固。內守故立字。當兼內外說。不知禮以治
心。則德性不能堅定。而物誘易奪。不知禮以治躬。則品節不能詳
明。而怠肆易乘。

知言節 按知言者如吉人之辭寡躁人之詞多之類不知言則無
以知其實情之所在其將何以知人乎故知言則取友可不羞
笑